



№

УДЛДЛДЛДЛДЛ

56

БИБЛІОТЕКА

НИКІТЫ ОСИПОВИЧА

№ ЭМИНА. 205.

УЧРСРЪ РСРЪ.

БИБЛІОТЕКА





205



Ը Ն Տ Ի Ր

Մ Ա Տ Ե Ն Ա Գ Ի Ի Ր Ք

---

Գ. Կ Ա Թ Ո Ղ Ի Կ Ո Ս Տ Ղ Ա Յ.  
Ն. Լ Ա Մ Բ Բ Ո Ն Ա Յ Ի.

2024-UR

94239

4348344

U. S. DEPARTMENT OF THE INTERIOR  
BUREAU OF LAND MANAGEMENT

1717 50/56 588-64

ԳՐԻԳՈՐԻ

Կ Ա Թ Ո Ղ Ի Կ Ո Ս Ի

ՏՂԱՅ ԿՈՉԵՑԵԼՈՅ

ՆԱՄԱԿԱՆԻ

3525-02




Ի ՎԵՆԵՏԻԿ

Ի ՍՈՒՐԻ ՂԱԶԱՐ

1838

2893

2004



216-2528

1898

# Տ Ե Ա Ռ Կ

Գ Ր Ի Գ Ո Ր Ի Կ Ա Թ Ո Ղ Ի Կ Ո Ս Ի

Ն Ա Մ Ա Կ Ա Ն Ի

---

Պ Ա Տ Ա Ս Խ Ա Ն Ի

Թղթոյն շարտադեպին Գրեթորի  
Տոփեփորոյն իմքեղեւոյ 'ի մայրաձանսն  
Հաղթափայ, գրեալ 'ի Տեք Գրեթոր  
Խաթողիկոսէ Հայոց, յեղփօրորոյ «ըն-  
քոց Խաթողիկոսացն Գրեթորիսի Ե Նեք-  
«եմի, որ մահանանուսնեմք Տղայ ա-  
նուանի:

**Մ**ԳՈՅ և պատուական յամե-  
նայն մատունս բարեւոյ, որ ըստ առ-  
տուածային նախախնամող մատու-  
կարարութեան բաշխեցաւ 'ի բոլոր  
սեռ իմանալի և զգալի բնութեանց,

առաջին և նախամեծարն յընտրե-  
լեացն՝ վերագոյն և գերաշխարհիկ ,  
և պայծառագունացն գլխաւոր տե-  
սանի խրատ : Սա որ անկեւոյն ընդ  
ինքեամբ ասորժակաց մակացու , և  
բարձրայօնակ գահերեցութեամբ  
ընդ անհամեմատն աստիճանեալ  
գասու , և զօրութեամբ յառաջ  
խաղալով պաշտի յառանձնական-  
սն : Չկաի և 'ի նիւթեղէնան , ուս-  
տի աւին զարգանալ բազմաստեղն  
հանձարոյն տեսակք 'ի բանական և  
'ի գործնական արհեստս զընդհա-  
նուրս շարժելով , ոչ միայն զկեւոյն  
պաճարանս , այլ և առ դիտու-  
թիւնս էիցն , և անհուն հմտու-  
թեանց հասու գոլ բաւականա-  
ցեալ քիբրեպատէնիմն և ճաճանչ  
անեղն զօրութեանն կաթեցեալ  
յարարածս :

Ըստ առաջնոյն՝ յաստուածային  
իմաստակացն ընկալեալ 'ի տը-  
չութենէ հոգւոյն , որպէս յոր-  
գորէ զգեաւորոյս մանկունան ըն-  
գունել 'ի ծերագունից հարցն  
զայս աստուածային , և գերա-

հրաշ պարգևս . Անբ օրդեակ ա-  
 սէ խրատու հօր քոյ , և առ ըն-  
 կալ զնա պասկ շնորհաց 'ի գլուխ  
 քո . և ամբարշտու թիւն մեծ ծանոյց  
 զայն անգոսնողացն զխրատ : Չնոյն  
 և նախամեծար մարգարէն . հայր  
 սորին խնդրէր խրատիլ յարդա-  
 րոյն ողորմութեամբ , և մի բարկու-  
 թեամբ : Եւ Պաւղոս յեա դառ-  
 նապոյն արբմանն 'ի տհաս տիոց և  
 յանգիտութենէ , յետոյ պտուղ  
 խաղաղութեան պարգևեալ ասէ  
 օրք նովաւ կրթեցան անձամբ 'ի  
 ճշմարտագունիցն առեալ : Յսողագո  
 օրոյ բնաւորեալ եմ 'ի խրատուէ  
 ոչ խուսափել , և յանգիմանչէ ոչ  
 հրաժարել . և հատաստեալ եմ  
 թէ առանց սոցա ոչ ինչ գոյ ինձ  
 ըննել կարողութիւն հասանելոյ  
 արժանեացն , մանաւանդ զթագա-  
 ւորահանն և զարքունի , զի մի իբրև  
 զչամոքելոցն 'ի հնազանդութիւն  
 կրիցեմ պատիժս . այլ արտաքոյ մա-  
 հու և կորստեան դտանիցիմ : Ասան  
 զի ուսաք կրկին ստանալ ծնօղս ,  
 զմինն կելոյ , և զմիւսն բարւոք կե-

րոյ . և ծանեաք զառանձնական  
 յասկութիւն խրատուց յիմաստ  
 նոց ոմանց արտայայտեալ և ծա  
 նուցեալ , ասէ . խրատ է բան բա  
 ցասութեամբ գլխաւորեալ յոր  
 գորելով յինչ , և կամ հրաժա  
 րեցուցանելով : Եւ խրատուս ոմն  
 է բացասական , որպէս՝ պէտք են ըն  
 չից . և ոմն հրաժարական , որպէս՝  
 ոչ է պարտ զամենայն գիշերն քու  
 նել . և ոմն յորդորական , որպէս՝  
 պարտ է յաղքատութենէ փախ  
 չել . և ոմն պարզ , մի հաւ քաջ . և  
 ոմն շարալծեալ , ոչ է բարեոք բազմ  
 իշխանութիւնս , մի իշխան եղիցի .  
 և ոմն առաւելահրաշ , ոչ ինչ ակա  
 րագոյն երկիր սնուցանէ բան ըզ  
 մարդ : Արդ զանազանութիւն խրա  
 տուց զայս իսկ ծանեաք , և զհաս  
 օգտութեանն որ՝ ի սոցանէ ոչ ան  
 գիտացաք . ըստ նմին և զանգոսնո  
 զացն պատիժս :

Իսկ զառ ՚ի ձէնջ այժմու գը  
 րեալքս ոչ այսպէս իմացաք բան  
 խրատական իբրև ՚ի ծերագոյն հօ  
 րէ , և ՚ի ճշմարիտ սիրողէ հեղ



մտօք և հանդարտ հոգւով, որովք  
 Ճանաչի տեղի բնակութեան, և  
 հանդատեան տեառն և հօր և հոգ-  
 ւոյ : Այլ զքոյս ծանեաք, հա-  
 ւաստի, զի յաղակեալ մտաց էր, և  
 ամբոխեալ հոգւոյ, որ և այսոքիկ  
 չարին Ճանաչին մասունք և կիրճք  
 դադարման : Այն զի ոչ խրատա-  
 կան էր, այլ հրամայողական . ոչ  
 խաղաղարար, այլ խռովարար . ոչ  
 ուղղադատ, այլ թշնամանասէր .  
 ոչ իրաւացի, այլ սուտակասարաս  
 մտօք . ոչ ըստ կանոնական դատո-  
 դութեանն, այլ ըստ հացկատա-  
 կացն բանից փաղաքշէլով իբրև զան-  
 դէտս ոմանս զտունդ դաւանու-  
 թեան յոգունց՝ հանգերձ իմաս-  
 առն բնակչօք . յոտից մինչև  
 ցգլուխ երևէլով՝ի միջի գոցա այր  
 փառացի, և շքեղ իբրև զպարսկա-  
 կանն զայն հաւ սիգալով և զբանս  
 անպէտս և անուղղայս կարկատե-  
 լով գրչաւորութեամբ իբրև զտը-  
 գէս, և առանց դպրութեան :  
 Աարծէս և զմեզ այսպիսիս ոմանս  
 գող . և չզանգիտես յերկնահան-

գէտ աթոռոյս, և աթոռակալէս  
 և որք զգոժաւ իցեն սարահայ-  
 եացքումանք՝ անգխտացեալ զանձնդ  
 և որ ՚ի քեզ իցեն հոգետուր պար-  
 գեք: Եւ գտանիս պատժապարտ  
 ընդ անարգողացն զճնօղս իւրեանց-  
 որ թէ ՚ի կամակար մտաց, և ՚ի  
 ճշմարիտ գխտութենէ ամար յայս,  
 հայեաց յանձն քո, ՚ի քեզ ինքն  
 հայեաց. զքեզ ծանիր. ուստի ոչ  
 գոյ այլ ինչ մեծութիւն քան զճա-  
 նօթութիւն անձին, որպէս ուսար  
 յիմաստնաց: Իսկ եթէ յոչգխտու-  
 թենէ անձին, և ՚ի զբողեալ մտաց,  
 հաւանիմ և ես. զի որոյ աչք և  
 տեսութիւն ՚ի գլխոյն իցէ, և առ-  
 գլուհին, ընդ խաւար ոչ գնայ՝ գայ-  
 թակղելով և բախելով ՚ի կոշտից  
 ճանապարհին. և առ այս դարձեալ  
 սարափա նայել ՚ի քեզ ինքն: Իսկ  
 եթէ այսոքիկ ոչ իցեն սատճառք  
 եղելոց իրաց, ապա յայանի տա-  
 րացոյց սայք, եթէ հեռի էք յա-  
 մենայն գխտութենէ հին և նոր  
 կտակարանաց. մանաւանդ թէ և առ-  
 տուած աղիրսուրբ հաւատոյս կանոն

նակիան տահմանքն ոչ գտանին ՚ի մի  
 ջի ձեր. և ոչնէրդ որ ծեն տահմանեալ  
 գեղօքն իբրև զճարտարս ՚ի բժշչ  
 կաց՝ զոմանս խարելով, և զոմանս  
 կարելով, և զայլս ոմանս կակղա  
 գոյն սպեղանեօք բժշկելով. զոր  
 էթէ լուեալ էիր Աստուածաւանդ  
 տառիցն՝ էթէ Չիճևան ժողովոր  
 գեան քո մի հայհոյեացես, ապա  
 թէ յանդգնիս՝ մահու վախճանես  
 ցիս, կարծեմ թէ ոչ հրամայէիր  
 մեզ անկանել, ուստի տէր ետ զվե  
 րանատէլն. և այն առաջի առակաց,  
 և անքնին մտօք, և առանց կանո  
 նական հրամանաց և դատավճռի.  
 կամ յափշտակելով քեզ ինքեան  
 զայս վիճակ տիրաբար, և կամ մնալ  
 առանց գլխոյ և առաջնորդի, և  
 երևել վատթարագոյն քան զքաղս.  
 և զխորթս, և զաքաղաղս, առանց  
 գլխի, և ձայնատուի ննջել և արա  
 ծել. մնալով զոր առանց զօրավա  
 րի, և քաղաք առանց քաղաքա  
 պետի և օրէնագրի. զոր և ոչ յալ  
 տաքնոցն որ պատշաճ վարկաւ՝  
 զայս իր յանդգնութեան համա

րելով: Արպէս և առ ամենական  
 կաճառս իմաստակաց Սողոն ոմն  
 օրէնագիր, հաւասարապէս և Ղիկոր  
 գոս օրէնագիր լակեղեմոնական ա-  
 զին: Եւ ոչ ՚ի հնագունիցն միայն,  
 այլ արդէն և ՚ի նորակերտս իրի  
 հանդէս պարտիմք ունել ՚ի յաւէժ  
 գովելեացն աստուածայնոյ քա-  
 ղաքիս այս քաղաքապետ, որ բա-  
 ւական լինի ընդ զայս քաղաք  
 բերնապատիկ պայծառութեանցն  
 հանդիսիւք, հասարակական կար-  
 գադրութեամբ բանական և գործ-  
 նական արուեստիւ աստուածա-  
 հաճոյ և անարատ կրօնիւք զքոլո-  
 րից ընթացս անարատ պահելով  
 ուղիղ և անյեղ վարչութեանն Ե-  
 րեսանակօք. որով ծաղկի արդա-  
 րութիւն՝ առօրնեալ զմտլարոյս  
 ախտն անիրաւութեան, սուզանին  
 կուրացուցանող կաշառք. փայլեն  
 անաշառ ճառագայթք. ընկրկի  
 ստութեանն յաւակնութիւն. յա-  
 ռաջեն ռահք ճշմարտութեան. և  
 այս ահա քաջայայտ է, զի իր՝ որ  
 առանց խնամողի է ազարտի:

Պարտ է ունել զառաջին գոյացուցիչն, որով կատարեալ ամբողջ պահին ամենայն մասունք բարեյորպէս տուն ունի պատճառ զչինոզն. նաւագործութիւնն զնաւաստին. անդրի զքաջահմուտ արուեստաւորն: Ուստի և 'ի սկզբանն սակա այսորիկ նախապատիւ թուի կենդանասիրել զմարդն՝ արի դատողութեամբ. յաղթահարել զըստգտանելեացն խրոխտ. որ թէ պէտ և բազմահոգակ իմն թուի առ կարծիս, այլ յուսալի է յընտրաւոր դէմս սկզբամբ բնաշարժեալ 'ի կարգս աստուածային պատուիրանապահութեան համարովք մինչև 'ի յանկուսն՝ զհամապատուաց վարկ անմտլար և ճշմարտագոյն ստանալով 'ի գլուխ, և չունել յանձն զխոնջականս քան ըզհեշտալիս պատրաստ առ 'ի բազմաց ոգւոց օգտութիւն, ոչ զարտաբուստ պատիւս, և ոչ զներսանեայ դիւրութիւնս:

Արդ՝ եթէ զառ 'ի մէնջն այսպէս լուար, և հաստատեցեր 'ի

Ճշմարտագունից ոմանց, որով և վկայեցեր մեզանաւ 'ի գրութենէ ձեռին քո, այժմ ընդէր հրամայես մեզ անկանել և լուել: Ապա թէ այլապէս խորհիս առ կարծիս մըտացդ, և առ փոփոխ բնաւորականիդ, ոչ լինել մեզ ըստ նմանութեան առաջնոցն, յորոց ընկալաքն և տեսաք. կամ թէ փոխեցաք ինչ անտես առնելով զոր 'ի նոցանէն և յայլոց իսկ սրբոցն ընկալաք, լուաք և առաք նորաձեւ ինչ առնելով անձնաճամ կամօք, այդ մի ինչ անկցի 'ի սիրտ քո:

Ծանիր կարծեցեալ սիրելի, զի յառաջ ընդհանուր բարեփառութեան պարունակող ճանաչիւր սուրբ և երկնահանգէտ աթոռս. և այժմ առաւել ևս հրաշափառ աստուածային և մարդկային. անըսողտանելի արդասաւորութիւն յորացեալ յերկակայս կենցաղոյս ինդամիս փափկութեամբ. զայս ոչ կամաւ յափշտակեալ ցաւալից մտաց ծնունդ. մի կարծեցիս անուղղայ երևել ինչ իբր թէ երկուց

ընդահցու թի սուղառէից կարօտելի  
 գող: Այլ թէ առցի կանգնել գե-  
 ռապարծս իշխանութի 'ի վերայ քո  
 աստուածայնովքն, ապա ունիս տե-  
 սանել բառացի շրջաբերութեամբ  
 հարստացեալս զմեզ առ քոյդ աղ-  
 քաա մտածութիւն. որովք լիցի  
 քեզ ազաւաղել իբրև զաւաղաբեր  
 սուրհանդակ հակակայիւք բարւոյն  
 քնկճեալ՝ անձեռնհաս կանգնել  
 զւթումն քո, միայն անօգտակ զողջ  
 մամբ 'ի չպիտելի ապաշաւանացն  
 դնիցիս մասին. և գտանիցիս պար-  
 տեալ առ թշնամանասէր կանս քո  
 ներհակացն հանգիստմամբ: Ասան  
 զի գտանեսս զսա ուրեմն բուժող  
 առաջնորդ ունել զայսր աստուա-  
 ծային քաղաքի շինութի յարազը-  
 լարձ բերկրանօք. և եթէ գուրտա ա-  
 ռաջին հաւանականացն կամիս գը-  
 տանել պատճառ անկեման և գը-  
 լորման, աստ պատկ սրայծառու-  
 թեան և յաղթութեան պար-  
 ծանք: Եւ եթէ այդր խրոխտումն  
 մահաթոյն և ամօթալի գասալ բու-  
 թիւն կարծես, աստ յոյս խնդա-

ցուցանող, անհոգ փառարանու-  
 թիւն, և բարձրայօնակ ամբու-  
 թիւն: Ապա թէ ընդդիմակքն ըզ-  
 բոլոր զախորժելեացն քոց բերեն  
 հանգանակ, ուրեմն բարեհամբաւ  
 ճոխութիւն հաւասար նմին ունել  
 զհէշտալին, զոր ոչ արհամարհա-  
 նաց անկ վարկանելի է զցնծաւէ-  
 տութեանս համբարակ, և զգերա-  
 պանծ շնորհ առ ամենայն բարե-  
 փառութեանն հանդիսիւք. զի ե-  
 թէ 'ի զուտ տան պէտք են խնա-  
 մածողի, քանի ևս յոգնախումբ  
 հօտոյս. և եթէ 'ի սակաւ ժողովս  
 ռամկաց պիտոյանան տեսուչք, և  
 վերատեսուչք, օրչափ ևս առաւել  
 աստուածայնոյ մայրաքաղաքիս.  
 և թէ ոմն շահի ևս առ ճշմարիտ  
 խրատու, քանի ևս հռչակաւոր  
 հրահանգաւէտութիւն յոգունց,  
 յորում զեռան յընդհանուր օրե-  
 զերս բոլոր տեսակք բարեաց, և  
 չարեաց, դու զիւրդ հրամայես  
 մեզ այժմ անկանել և լռել: Զոր  
 եթէ անխռովասէր մտօք ըստ աս-  
 տուածայնոյն յուզմանց նայիցիս



յայս երկնահանդէտ աթոռոյ գի-  
 տաւորութիւնս , և յորոց քաղա-  
 քավարի , գտանիցես զաս անխորձ  
 'ի բանից և 'ի չարագոյն յուզմանց՝  
 պարփակեալ աջովն անեղին ան-  
 դրդուելի ամբողջեամբ . և ան-  
 ըստգտանելի ընդդէմ նախանձոտ  
 կամաց , գիտելի ատառն յառաջ  
 քան զլինելն յարգանդ սրբեալ , և  
 նախ քան զճնանելն մարգարէ .  
 ոչ անարգ , այլ ընդունելի և յիւ-  
 րում տան , և 'ի բոլոր սեռս . որ  
 և 'ի բացայայտեալ բարեփառու-  
 թեանս պատուոյ , փախտական  
 եղեն ծանրատաղտուկ հնազան-  
 դութեանն ըկանք . և ազատու-  
 թեանն բերկրանք զհասարակացն  
 փարատեցին տխրութիւն՝ յաւե-  
 լուածով և յազմամբ ըղձակերտ ե-  
 լանել 'ի յապառնիան անբարտա-  
 նելի հրճուանացն խնդութեամբ  
 անգայթ և յարագուարձ յառաջե-  
 լով զկենցաղին հոլովս . որով ե-  
 րեւելապէս խոստովանեալ ճանաչի  
 բարեհամբաւ գաւազան ըստ հա-  
 ւասարութեան հնագունացն ,

95255-527/2

յանդգնիմ ասել թէ ևս առաւել  
 ըստ մակեդոնականին Աղէքսան-  
 դրի, և ըստ մերումս հռչակելոյն  
 Սողոմոնի, որք յերկաքանչիւր  
 մասին առատացեալք միոյն զԱղէք-  
 սանդրայն ունել եռանդնոս խը-  
 նամածութիւն, և միւսոյն յՆքու-  
 սաղէմ ջերմագոյն շինողութեան  
 զհանդէս ըստ առականոր խրատա-  
 կան ձայնին ընդհանուր հնչմամբ՝  
 զյարգականն բացատրելով բան  
 հանձարեղին՝ իսկապէս և ըստու-  
 դարար ստանալ զբազմութեան ա-  
 ռաջնորդութիւն, և այս տա ՚ի  
 ձէնջ ոչ է ծածկեալ իւիք, թէ ոչ  
 անձնահաճ կամօք, և ոչ զօշաբաղու-  
 թեամբ բռնաղբօսեալ ձեռնամուխ  
 եղաք և ամաք յայս սպասաւորու-  
 թիւն և սարսափելի սլաախ: Չոր  
 է թէ կարծեսցէ որ մախամարդակ  
 և չարակնող մտօք, և ոչ ճշմարիտ,  
 այլ ՚ի կամելոյն տեառն, և ՚ի առ-  
 չութեանէ հոգւոյն, և ՚ի բոլոր իսկ  
 սեռիս յօժարամիտ կամաց, մանա-  
 ւանդ թէ և ՚ի ձեր իսկ՝ հաստա-  
 տեալ ՚ի վերայ անշարժ վիճին հաս

տասանոյ, և պատրաստեալ կամ գէմ-  
յանդիման, զի ամենայն որ ոք հարցի  
ընդ վիժիս ընդ այս, խորտակեացի և  
փշրեացի, և յոյր վերայ անկցի,  
հոսեացէ զնա, իբրև զփոշի:

Եւ արդ՝ իր, որ այսքանեօք տոհ-  
մականուծեամբ աւլցեալ երևե-  
լեօք և աներևուծիւք առաձինն էր  
հասարակաց երկնի և երկրի հա-  
մանդամայն ուրախարար զանբաղ-  
դատելի երջանկուծէ երթեալ տա-  
րաւ անուռն, ո՞վ որ սմա զընդգէմն  
ինչ՝ և ոչ զհաւանականն յերեսս բե-  
րիցէ խոստովանուծիւն, և դուք  
զառաջինն հրամայեցիք մեզ, եթէ  
գիշեր է և երեկոյ, և ՚ի վերջինս  
նկատել և լռել:

Արդ զինչ առ այս. ո՞չ հերկես-  
ցուք և ոչ սերմանեացուք. ո՞չ զնա  
ւերոյն առաջ կալցուք զգործ-  
լռեսցէ և իրավճար պատերազմ  
զին յօժարուծիւն: Այլ օն անգր-  
միծէ ո՞չ ունիցիմք վստահուծիւն  
՚ի միոյն ամբարել զբազմաբեղուն  
արմտիս. նա զի և նաւազնն հե-  
սաստանեայ և անգնդային բե-

բով քն ո՞չ ընու զբազմաժողով խրն  
 ճոյին փափագ : Գուպարայաղթ  
 նահատակ ք ընդ նիզակաճօճ խրա  
 խուսանացն զօրաւորագոյն բար  
 դաւաճանացն ո՞չ ժառանգեն մեծ  
 ապարանս : Ապա յայտ խակ է եթէ  
 'ի զուր վատտակեցաւ Պաւղոս , և  
 'ի զուր և ունայն նաւակոծեցաւ ,  
 և սնավատտակ եղև 'ի յարբմանէ  
 հնգից քառասնիցն 'ի հարկանո  
 ղացն ընկալեալ . սնտաի էր յոյս  
 նորա 'ի ձաղանս կատականացն և  
 'ի քարկոծմանն : Ի զուր աշխա  
 տեցաւ և Պետրոս , և ոչ ուղղեցան  
 սոք նորա 'ի գնացս՝ ընդ որ խորհե  
 ցաւ և արար : Ընդունայն են քա  
 ռոզութիւնք նոցա . ընդունայն ա  
 պա և խաչն , և որ 'ի վերայ նորա ,  
 զի ոչ եղև խաղաղութիւն վարդա  
 պետաց , այլ խռովութիւն և աղ  
 մուկ : Եւ սուտ էին խոսամուկք  
 նորա առ Պետրոս , թէ և 'ի վերայ  
 այդր վիժի շինեցից զեկեղեցի խմ ,  
 և գրուկք դժոխոց զնա մի յաղ  
 թահարեցեն : Արդ յաղթահա  
 րեցաւ և կորեաւ . զի ոչ է եկեղե

ցի, այլ այր աւազակաց. ոչ է միբր-  
 տուծիւն ՚ի թողուծիւն մեզաց,  
 այլ միայն ՚ի լուացումն ջրոյ: Արդ  
 ուրախ ըր Պիղատոս, ցնծացէք և  
 դուք դասք քահանայապետից՝  
 Աննա և Վայիափայ, վասն զի ոչ  
 ստանիք տէր, այլ մոլորեցուցիչ. ոչ  
 խաչեցիք Աճ, այլ գող և աւազակ  
 և խռովարար. ոչ հովիւ քաջ, այլ  
 վարատող ոչխարաց: Սուտ է որ-  
 դին որոտման, և իրաւ է որդին  
 Տուտեայ: Եթէ այն այր աւազա-  
 կաց, աւազակապետ Քրիստոս.  
 Եթէ այն մոլորուծեան տեղ, մո-  
 լորեցուցիչ Քրիստոս. Եթէ այն  
 տեղի կորստեան՝ կորուսիչ Քրիս-  
 տոս. զինա հանապազ քարոզի ան-  
 դանօր. և նորայն ծաղկէ ծննդա-  
 կանուծիւն, և հաւատ և յիշա-  
 տակ անուան նորա. կատարի յարա-  
 ժամ անարիւն զենումնն ՚ի թո-  
 ղուծիւն մեզաց հաւատով մերձե-  
 ցելոցն և ընդունողացն: Եւ եթէ  
 ոք լքենի դիմօք և մոլեգնեալ  
 ախարի յանդգնի կոչել զնա այր  
 աւազակաց, ՚ի յատուածախօս

տառիցն յանդիմանեալ կշտամբեմք զայնպիսին, և 'ի բաց վարեմք իբրև զԹշնամի Աստուծոյ և եկեղեցւոյ նորա. և փոխանակ այնորիկ անուանեմք զնա լեառն սուրբ, և քաղաք Աստուծոյ կենդանւոյ հաւասար վերնոյն Երուսաղէմի, հարսնարան անմահ փեսային Քրիստոսի շինեալ խմաստութեանն Հօր և Ճշմարիտ պատկերին Յիսուսի. մայր ծննդական որդւոց արքայութե. կերակրիչ և դարմանիչ առատագոյն կերակրովք արժանաւորաց և անարժանից, օրպէս և բնութեամբ քաղցր՝ շնորհաց և տալաշնորհաց. և զարեգակն ցօղախառն հեղու 'ի վերայ արդարոց և մեղաւորաց՝ լուսաւորելով և զովացուցանելով 'ի տապախառն միգէ չարին :

Այլ զի գրեցէք, Թէ անիծեալ տումարն երկաբնակին Ղևոնի, հարցանեմ աստանօր Թէ զինչ է տումարդ, և զինչ է երկաբնակդ անուն. հայերէն, Թէ յունարէն, և Թէ պարսկական դենիւ և ուսմամբ ըստ գաւառիդ բերման : Ղևոն ուր

անդանօր բնակեցաւ յերկուս. և  
կամ զի նչ այն երկուքն էին, կեն  
դանիք, եթէ անկենդանիք. հո  
դեղէնք, եթէ մարմնեղէնք:

Ասն հասնայեցի էր ազգաւ և  
գահերէցու թեամբ. և ՚ի հասն եր  
կուք լուսաւորք են աշխարհի՝ Պեա  
րոս և Պաւղոս, ՚ի նոսա զկարգ  
բնակէր Ասն, կամ որով օրինա  
կաւ: Իսկ եթէ նորա ՚ի նա բնակե  
ցան աստուածային զօրութեամբն  
և հոգւովն՝ կարելի է. այլ ոչ ա  
զարտելի: Եւ եթէ յայն սակս է  
անիծեալ, կարծեմ թէ և նոցայն  
գամբարան՝ է այր աւազակաց. և  
որ ՚ի նմայն են հանգուցեալ՝ գողք  
և աւազակք. և այս ըստ առ ՚ի  
ձէնջ բանի:

Իսկ աստմարին անուն ՚ի մերա  
սէր ազին լեզու, թուի թէ զհամա  
րողականն գնէ թիւ, և զժամանա  
կադրականն, և զնորա առ այս չու  
նիսք իրք. թուի թէ և ոչ և որ նո  
ցայն են: Իսկ առ այս Ամանիա և  
Անգրէաս բազմավէպ գրութեամբ  
ճառեցին. յաւելուք և զնոսա յա

նէծս : Թուի թէ այս 'ի վաղնջուց  
 հեան, որպէս պատմէ նոյն ինքն  
 Անանիա յաղագս անբարեւէր աղ-  
 գիս արանջմամբ, առ որս ոչ պա-  
 տուի գիտութիւն, այլ անձնահաճ  
 կամբ :

Այլ զի ընդ բազում բանս ձեր  
 կարկատուես և ստայօգս անցի, և  
 նայեցայ ուշիմ մտօք, և ոչ աեսի 'ի  
 նոսա ծասկելի և անուշահամ  
 պտուղ, ոչ արգիւնաւորեցաւ առ  
 մեզ. քանզի յեռանդնոս և 'ի փայլ  
 բակնացեալ սրտէ յառաջ բերի վե-  
 ճաբանութիւն և կռիւ, որպէս և  
 վկայէ ճշմարիտ բանն տերունի ե-  
 թէ Յաւելուածոյ սրտի խօսի բե-  
 բանն : Եւ այն՝ եթէ ոչ գոյ հրա-  
 ման գլխոյն և առջնորդին ժողով  
 առնել եպիսկոպոսաց և վարդապե-  
 տաց, և պարապել աստուածայնոց  
 բանից քննութեանց, շահել և շա-  
 հեցուցանել զնոսա, և ոչ սահմանեն  
 զայն կանոնադիր հրամանքն, այլ 'ի  
 հեռատանէ հաւատալ բառ առ որ  
 Թումայի բանին, վա՛շ ծերունի  
 ճնողիդ, ոչ իմ, այլ որ հարադա-



տու թեամբք բերէ զնմանու թիւն  
հօրդ :

Դարձեալ այլ ինչ անպիտան  
գտաք շարագրեալ 'ի բանս ձեր՝  
սեփհականելով զձեզ ինքն ճշմա-  
րիա անտես տանն Աստուծոյ . և  
հաւասարեցիք զնոսա այլոց ոմանց  
խտակոց, որ կոչեցաւ գայլ . վասն  
զի գայլաբար օձտեաց զհօտն Քրիս-  
տոսի, և այսու նմանեցաւ Պետրոսի  
վիճին հաւատոյ . վասն զի և նա  
գայլ գոլով օձտող հօտին Քրիստո-  
սի, յաւելիք զնա և կրկին քաղա-  
քաց քաղաքացի՝ անտիրացի աղէք-  
սանգրացի . և զԴէոսկորոս հաւա-  
սար Քրիստոսի փրկիչ ժողովրդեանս  
Հայոց արեամբ և խաչիւ . և առ այս  
վա՛շ, և առաւել վա՛շ : Թուի ինձ  
աստանօր եթէ վերահասու իցես  
ամենայն ժամանակագրաց, և պատ-  
մութեանց :

Իսկ ես ոչ եմ փրկեալ արեամբ  
Դէոսկորոսի, այլ միոյն Քրիստոսի .  
և ոչ եմ օձտեալ 'ի գայլէն Պե-  
րոսէ, այլ 'ի ճշմարիտ հովուէն  
փրկեալ 'ի գայլէն, և ժողովեալ 'ի

խաղաղարար փարախ քաջ հովուին՝  
 զի այսպիսի հրաժեշտ սիրոյ վաղ  
 ուրեմն 'ի տէրունական ճշմարիտ  
 տուաւ բանէն մարդկային բնու  
 թեանս, եթէ Այսպիսի սէր ոչ ոք  
 կալցի, զի զանձն իւր գիցէ 'ի վե  
 րայ բարեկամոց՝ ըստ անպարտա  
 կանին յանցանաց՝ զայլոյ ուրուք  
 պարտս հատուցանել. զի ոչ գոյ  
 մարդ արդար առաջի Աստուծոյ :

Դարձեալ շարունակեալ 'ի բանս  
 ձեր, զի անուանեցէք զնոսա Նես  
 տորիոսք, և հաւանեալ Եւտիքի  
գիւարբերանի, և օտարացեալք 'ի  
 սրբոցն, և յաստուածազգեստից  
 արանց. որով պարսաքարել զնո  
 սա պարտ վարկաք. և թէ էր,  
 և լինէր հնար՝ նոցին սրով հաստ  
 նել զգլուխս նոցա. և այս բռնա  
 բար թշնամութիւն 'ի վաղոց հեռէ  
 գտանիւր 'ի նոսա, եթէ այժմ 'ի  
 սկզբան գրոյս մերոյ բուսաւ առ  
 քոյդ միտս : Կարծեմ թէ այսու  
 ոչ աշակերտիս Պաւղոսի, որ ասէ  
 թէ, Խնդրեմք զի ամենայն մարդիկ  
 կեցցեն, և 'ի գիտութիւն ճշմար

առւ թեան եկեացեն: Եւ դարձեալ  
 եթէ Վամիմ զի լինէր ամենայն ոք  
 իբրև զիս . և դարձեալ թէ Խնդրէի  
 նզով լինել ՚ի Քրիստոսէ վասն ըստ  
 մարմնոյ ազգատոհմին իմոյ: Արդ  
 ապա դու զի խնդրես սպանանել .  
 մարդ է՝ արարած Աստուծոյ, և թէ  
 մոլորեալ է, դարձո՛ւ եթէ վիրա-  
 ւորեալ է, սպեղանեօք պատեա .  
 Քրիստոսի լեր աշակերտ, և մի Սա-  
 ւուղի. Դաւիթ՝ թէ և աստուածա-  
 հայր, բայց օրինօքն՝ և ոչ Քրիստո-  
 սիւ, որ ծանր գրեաց և զհայելն ՚ի  
 Բերսաբէ: Ս՚ի ՚ի կարծ դատեսցին,  
 և մի ըստ մտաց քոց յանդիմանե սցին-  
 չեն՝ Եստորիանոք, և ոչ Եւտիքա-  
 կանք հակառակօք բերեալ առ ան-  
 ձինս: Ապա եթէ ոք յանդգնի և  
 անձնահաճ կամօք ըստ մտաց դատի  
 զնոսա յայս, անէճքն, որ ՚ի նոցանէ  
 ընդդէմ սղծոցն այնօչիկ՝ ՚ի գլուխ  
 նորա կուտեսցին:

Գտաք դարձեալ ՚ի գիրս, զի բա-  
 զում անգամ սարժանս գրեր ան-  
 ձին քում, և խոտացար ճառել  
 յաղագս անճառ միււրութեան

բանին և մարմնոյն . և թէ որպէս  
 եկին առ միսեանս անշփոթեւ լի  
 բնութեամբ և կրիւք . և յետ բա-  
 զում խոստմանց յանդ և յաւարտ  
 հաներ միով բանիւ՝ արկանելով  
 զանձնդ՝ ի խորս կորստեան տգի-  
 տացն և անհաւատիցն, ուրանալով  
 բովանդակ զմարդկայինս բնութի,  
 և յոչեութիւն փոխելով : Ար թէ  
 և կամիս ձեռնարկել՝ զքոյդ կար-  
 կատելով հերձուած և տկարա-  
 բանութիւն , անկարելի մնաս-  
 առնլով աստանօր ստութեանդ քո  
 վկայ զմեծն Մովսէս : Մնտի այլա-  
 բանութիւն՝ օտար և որիչ յամենայն  
 գիանոց . կարծելով եթէ մեք եք-  
 բայեցերէն ոչ գիտեմք , և կամ թէ  
 ոչ իմանամք եթէ զում արդեօք  
 բանս ի բանատեղծաց սրատրուա-  
 կես ընդ Մովսէսիւ : Եթէ մօլո-  
 բեալ ես՝ առ յինէն ընկալ . վասն զի  
 իմաստասէր, ոմն յունական Արիս-  
 տատէլ անունն ստագիրացի ազգաւ  
 ՚ի քաղաքիդ դաւառէ , յորժամ  
 էառ ՚ի սրատմել զբնութիւն արարա-  
 ծոցս սարորիչ փաղառութեամբ

բաժանելով տասն ստորոգութեան  
 բայիւք, յաղագս գոյացութեան,  
 յաղագս կենդանութեան, յա-  
 ղագս քանակի, որակի և որակու-  
 թեանց և այլն, յանձն, 'ի ձև  
 'ի տեսակ, 'ի քանակ, և յորակ,  
 յենթակայ, և 'ի նենթակայում,  
 բայց ոչ զմարդկայինս ուրացաւ  
 բնութիւն. այլ զաստուածայինն  
 ջանաց փոխարկել յանձն յաղա-  
 գրս անօրութեանն. և զի թափան-  
 ցանց ունի ընդ ամենայն էքս. որ-  
 պէս սոյն Արիստոտէլ, և Գենար-  
 քոս՝ անգոյ ասացին զանձն. զոր և  
 ոմանք յեկեղեցականաց այժմ ջա-  
 նան կարկատել՝ ոչ բնութեամբ միա-  
 նալ բանին Աստուծոյ ընդ մար-  
 մին, այլ անձնաւորութեամբ. և  
 վկայ զսոյն իսկ զԱրիստոտէլ ու-  
 նելով, զի թերևս այսու կարասցեն  
 'ի մի բնութեանն բան ամէլ զնա  
 հարկաւորաբար. որպէս և գու-  
 այժմ ջանաս զմարմնոյն ուրանալ  
 և կորուսանել բնութիւն, և նորա  
 զաստուածութեանն. որովք կար-  
 ծեմ թէ և երկոքեանքդ սխալէք 'ի

Ճշմարտութեանն պողոտայէ : Ասոր յանգիմանէ զքեզ երջանիկ և սուրբ վարդապետն Յովհաննէս ի մաստասէր և ուղղատեսնասէ . Փախչիս 'ի բնութեանդ անուանէ , ընդ նմին և յերկուցդ ասելոյ , և ոչ գիտես և եթէ մարմին ասելով , յերկոսին 'ի ներքս ըմբռնիս , յորոց փախչիս : Արդ զնոյնս՝ որովք բարեպաշտելոց կարծես , հակառակ ընդդէմ քեզ եղից : Չմարմինն՝ մարմին բանին ասելով , և զբանն ասացեալ մարմին ունել , զինչ այլ ինչ թուիցիս ասել՝ եթէ ոչ կրկին : Եւ դարձեալ զբանն 'ի հօրէ ասելով զհօրն տացես նմա զբնութիւն . իսկ զմարմինն 'ի մարդկանէ ասելով զոյր ունել ասես նմա բնութիւն , եթէ ոչ զմարդկան : Բայց կարծեմ թէ կամիս և ոչ մարմին Քրիստոսի ասել , զի թէ զմարմինն ճշմարտութեամբ խոստովանելիք ունել Քրիստոսի , և զայն 'ի մարդկանէ և մարդկային , զնոյն և բնութիւն մարդկային ոչ արդեօք խղճէիք ասել : Քանզի նոյն է մարդ

կային մարմինն ունել Գրիստոսի, և  
 բնութիւն մարդկային. և զի Գրիս-  
 տոս առանց միաւորութեանն ոչ  
 ասի Գրիստոս Յիսուս, այլ Աս-  
 տուած բան, որպէս և սուրբն Բասի-  
 լիոս ասէ. Չի թէ ասիցէ որ զմար-  
 մինն բնութիւն բանին, և զբանն  
 բնութիւն մարմնոյն, ամբարշաու-  
 լեեամբ լիենայապէս ասացեալքն :  
 Դսկ եթէ զմի և զնոյն Գրիստոս  
 Երկուց խոստովանեցիս ասել  
 բնութեանց, այսինքն աստուածայ-  
 ին և մարդկային, ընդէր արդեօք  
 զսրհուրիս, և զայրանաս, և այլան-  
 դակ և հայհոյիչ շարագրութեամբ  
 զբարեպաշտաց պղտորես զլսելիս :  
 Քանզի ասես որ ՚ի հօրէ գոյացեալ  
 անձնն էր, նոյն անձնաւորեալ ՚ի  
 սուրբ կուսին. և որ ՚ի հօրէ բնու-  
 թիւնն էր, նոյն բնաւորեալ եղև  
 յարգանդի կուսին. և սակայն գո-  
 հութիւն Աստուծոյ, որ յայտնէ  
 զնորս խաւարի, և հանէ ՚ի լոյս  
 զասուերս մահու : Արդ զիմորդ անձ-  
 նաւորեցաւ ՚ի կուսին անձն Որ-  
 գւոյ. թողլով զիւր գոյութիւնն՝ յայ-

լուժ դասը գոյութեան , որպէս  
Պանդորոսն ասէ , եթէ յիւրումն  
նմանելով՝ զերեւութականն միայն  
զձնն զինքեամբ արկաւ , առաջօք և  
ձեռով և եթ ցուցեալ զվերն 'ի կու-  
սէ . որպէս Եւտիքէան երկրորդ  
յիմարաբար բարբառի ասելով .  
խոստովանիմ զբանն Աստուած  
յարգանդի կուսին կերպացեալ ,  
սպաւորեալ 'ի սրտիկեր և 'ի ձե  
մարդոյ եղեալ . այլ ոչ եթէ յա-  
րարածական բնութենէն ինչ յինք  
խառնեաց . քանզի անխառն է աս-  
տուածութիւնն և անյօդ :

Տեսանէս որպէս համաձայնք աւ-  
միմեանս գտանիք յամբարշտելոյ .  
գու ասես , 'ի հօրէ անձնն որդւոյ  
անձնաւորեցաւ 'ի կուսին . և նա  
ասէ , ոչ ինչ խառնեաց 'ի կուսէն  
յանխառն աստուածութիւնն : Եւ  
եթէ ոչ գոյութիւն ինչ անձնաւոր  
զվերս 'ի կուսէ ընդ ինքեան միաւո-  
րեաց բանն , զիա՞րդ ինքն զինքն մարդ  
և որդի մարդոյ անուանեաց . զիա՞րդ  
և տղայ երևեալ խանձարդասպատե-  
ցաւ , և կաթնարոյծ եղանիւր . և



առ կատարե լուծիւն 'ի վեր ընթա-  
 նայր աճմամբ հասակի՝ ըստ մեծին  
 Աթանասի ուղղափառ դաւանու-  
 թեան. որքան ինքն, սակ, հրամայ-  
 եաց, զբնութիւնն յինքն կատա-  
 րելով ընկալաւ որքան կամեցան.  
 այս է ծննդեանն 'ի կնոջէ, աճման  
 հասակի, ամաց թուոյ, աշխատու-  
 թեան, ծարաւոյ, և քաղցոյ, և  
 քնոյ, և տրամութեան, և մահու,  
 և յարութեան : Այսոքիկ ամե-  
 նեքեան՝ նմանութիւնք և երևոյթք  
 թուիցին քեզ եղեալքն 'ի Քրիս-  
 տոսէ, թէ ճշմարտութիւն : Ապա  
 եթէ է ճշմարտութիւն, որպէս և  
 է խի, քանզի անհնար է անտուան  
 Աստուծոյ ստութեամբ իւիք կեղ-  
 ծաւորել 'ի գործս իւր, զիարդ իշ-  
 խես ստել զաներևոյթ և զանմար-  
 թին անձն որդւոյ մարմնաձևապէս  
 անձնանալ յարգանդիկուսին, եթէ  
 ոչ զկատարեալ մեր բնութիւնս 'ի  
 կնոջէ յինքն ընկալեալ, ընդ ին-  
 քեան միաւորեաց բանն Աստուած  
 առաքեալ 'ի հօրէ :

Եթէ այդպէս ասեմք ասե՛ն, եր

կուս ընկիւնք ասացեալ գէմս, և եր  
 կուս բնութիւնս : Դարձեալ փախ  
 չեւով 'ի սնտաի երկիւղէ' 'ի մեծա  
 գոյնն անկանիս չար : Եթէ յեր  
 կուց ըստ բնութեան ոչ կամիս ա  
 սել զմինն, կարի յոյժ չարաչար  
 ըստ բնութեան զմին գտանիս ասա  
 ցեալ բնութիւն : Այլ անմարմին  
 բնութիւն աստուածային բանին  
 զմարմնական բնութիւն 'ի կուսէն  
 ընկալեալ ընդ ինքեան միաւորեաց  
 որ է ըստ բնութեան յերկուց՝ աս  
 տուածային և մարդկային - իսկ ըստ  
 միաւորութեան՝ մի : Զի եթէ այս  
 երկուք գեղեցկագոյն հաւատոյ  
 ստիւք առ ճշմարտութիւնն 'ի վեր  
 կանգնեալ ոչ հաստատիս, առ որ  
 և յենուցուս առ մինն 'ի նոցանէ'  
 կազ գտանիս առ խոստովանու  
 թիւն ճշմարտութեան : Այլ կա  
 տարեալ ըստ իւրաքանչիւրոցն գի  
 տելով զերկուսն, ըստ միաւորու  
 թեան՝ մի կատարեալ, մի գէմ, և  
 մի որդի Աստուծոյ խոստովանելով  
 որպէս սուրբն Բասիլիոս ասէ : Եր  
 կուց գոյացութեանց կատարելոց  
 միաւորութիւն :

Արդ յայտնապէս հրատարակեցար յաստուածայնոց բանիցս գիտաւորութեանց՝ արտաքոյ գօլ քեզ ճշմարտութեան ճանապարհին, յԵւախբին, և ՚ի Պանդորոսին անկեալ աստ, հիւանդ և հերձուած չար: Յաղագս որոյխորհրդակից լինիմ քեզ իբրև ճշմարիտ բարեկամ զգուշանալ անձին, և իրատեալ աստուածաւանդ տառիցն սրբախօսութեամբ՝ սթափել յայդպիսի մտածութեանց: Եթէ զԱթանաս սուրբ քեզ սեփհականեցեր, առ ընկալ ՚ի ձեռս զգիր նորա, և ուչիմ մտօք ընթերցիր ՚ի սկզբանէ մինչև ցկատարումն. մանաւանդ զբանն՝ որ յաղագս Որդւոյ յայտնութեան, և մարմնաւորութեանն գրեալ է այսպէս. Որք զտէր մեր Յիսուս Քրիստոս ոչ յԱստուծոյ և ՚ի մարդոյ մի խոտովանին, որպէս և գրեալ է յաւետարանին՝ յԱզամայև յԱստուծոյ, առասցեն զիարդ որ ՚ի կերպարանս Աստուծոյ է Աստուած՝ առեալ զկերպարանս ծառայի կարծեցին:

կամ զբանն մարմին եղև և բնակեաց  
 'ի մեզ խնացան . քանզի որ ասաց  
 թէ բանն մարմին եղև, ասաց թէ  
 ինքն զանձն իւր ետ վասն մեր,  
 արդեօք որպէս բանին փոփոխուին  
 կրեալ 'ի մարմնոյ փոխադրութիւն  
 կամ որպէս ցուցուին ինչ արա-  
 րեալ մարդկայնոյս կերպի, որպէս  
 այլք 'ի հերձուածողացն մոլորեալք  
 ասեն :

Գարձեալ քանզի ամենեցունց  
 յառաջագոյն ասացելոց հերձուա-  
 ծողացդ հաղորդք եղէք, անհաւատ  
 եղեալք միաւորութեանն, և բնդ-  
 դիմաբանեալք լումանն, 'ի բաց բար-  
 ձուին տարեալ եղէք զանջատման  
 մտածութիւն պատճառելով . քան-  
 զի որպէս անջատողքն մոլեղնեցան,  
 և շփոթողքն մոլորեցան, այսպէս  
 և 'ի բաց բարձողքն կորեան . ճշմա-  
 րիտ եղեալ անօրէնութիւնն, և  
 ճշմարտութիւնն երևեալ, և շնոր-  
 հին վկայեալ : Գարձեալ ըստ ա-  
 ռաքելահան հրամանին վկայու-  
 թեան այսպէս յաւելու . որպէս  
 գող 'ի հեթանոսաց ժառանգակի-

ցրս և մարմնակիցս Քրիստոսի, զի  
 և մարդ իցէ՝ Աստուած ճշմարիտ, և  
 Աստուած իցէ՝ մարդ ճշմարիտ. ոչ  
 մարդոյ առ Աստուած գոլով, որ  
 պէս և դուք զրպարտեալ ասէք,  
 հեգնելով զքրիստոսնէիցն զխոր  
 հուրդս: Աստուծոյ միածնի հաճե  
 ցեալ զլուսն աստուածութեան  
 իւրոյ զսկզբնատալին մարդոյ զստեղ  
 ծուած և արարած նոր յարուցա  
 նել ինքեամբ, և անլոցծ միաւորու  
 թեամբն. զի յաղագս մարդկան  
 իրակութիւն շարչարանօք և մա  
 հուամբ և յարութեամբ զփրկու  
 թիւն մարդկան գործեալ:

Դարձեալարդ զհորդ Քրիստոս  
 ոչ ասլբեցուցանէ զաշխարհ՝ եղեալ  
 մարդ, որ և քաջայայտ է եթէ որով  
 բնութեամբ գործեցան մեղքն, նո  
 վին բնութեամբ եղին յաւելուած  
 շնորհին. զի Աստուած եղեալ  
 մարդ՝ մնալով Աստուած. զի և  
 մարդ եղեալ Աստուած հաւատաա  
 ցի որպէս մարդ գոլով Քրիստոս  
 Աստուած է. զի Աստուած գոլով  
 եղև մարդ՝ և ասլբեցուցանէ զհա

ւատացեալն՝ մարդոյ կերպիւ :  
 Դարձեալ իսկ եթէ զայս այսպէս  
 խորհել ախորժէք, զի նչ է 'ի ձեռն  
 մարգարէիցն խոստումն, կամ աւել  
 տարանչացն ազգաբանութիւն .  
 կամ առաքելոյն վկայութիւն ,  
 կամ մօրն Մարիամայ տեսիլն , կամ  
 հասակին աճումնն , կամ ըստ ամե-  
 նայնի ախտակցութեանցն ցուցու-  
 մին , կամ անուանն յառաջ ա-  
 ծումն , կամ թէ որդին Աստուծոյ  
 որդի մարդոյ եղև , և կամ մարդն  
 Յիսուս Քրիստոս , որ ետ զանձն  
 վասն մեր . կամ թէ սարս է որ-  
 դոյ մարդոյ բազում շարչարանս  
 կրել և սպանանիլ և յերիբ ա-  
 լուր յառնել 'ի մեռելոց :

Դարձեալ զհարգ ասէք եթէ  
 Աստուած 'ի ձեռն մարմնոյ շար-  
 չարեցաւ և յարեաւ . քանզի թէ  
 Աստուած բանն շարչարի, շարչա-  
 բելի ասէք զհայր՝ և զմխիթարիչն՝  
 միոյ գոլով անուան և միոյ աս-  
 տուածային բնութեան : Եւ յասա-  
 ցելոցս յայսցանէ է տեսանել զձերդ  
 մտածութիւն՝ որպէս ոչ երկիւղա-

Տից Աստուծոյ, և ոչ հաւանելոյ  
 աստուածայնոց գրոց : Մովսէս  
 գրէ, եթէ Աստուած մեր հուր  
 ծախիչ է. իսկ վասն մարմնով գա-  
 լըստեան նորա, մարգարէ յեզ-  
 բարց յարուցէ ձեզ ասէ զտէրն, և  
 զկենդանութիւնն զփայտէ կա-  
 խեալ, որպէս զի իցէ մարմնոյն  
 տեառն՝ ի կեանս մեր եղելոյ :

Դարձեալ և տէրն զչարչարանս  
 ՚ի վերայ որդւոյ մարդոյ կացուցա-  
 նէ՝ ցուցանելով զըստ մարմնոյն :  
 Իսկ յաղագս աստուածութեանն  
 իւրոյ՝ Ես և Հայր մի եմք, և ոչ ոք  
 գիտէ զՍրբի թէ ո՞ է՝ բայց միայն  
 Հայր : Եւ ոչ ուրեք արիւն Աստու-  
 ծոյ, գաւանեցին գիրք, կամ Աս-  
 տուած ՚ի ձեռն մարմնոյ չարչա-  
 րեալ և յարուցեալ : Արիանոսացն  
 է սյսպիսի իմն յանգդնութիւն .  
 վասն զի ոչ Աստուած ճշմարիտ  
 զորդին Աստուծոյ խոստովանին :  
 Իսկ գիրք սուրբք ՚ի մարմնի Աստու-  
 ծոյ, և մարմնոյ Աստուծոյ մարդ  
 եղեալ, արիւն և չարչարանս և յա-

բուժիւն քարոզեն՝ մարմնոյ Աստուծոյ յարուժիւն՝ ի մեռելոց եղեալ :

Դարձեալ այլ ասիցէք զիարդ զոէրն փառաց ՚ի խաչ հանին : Այլ ոչ զբանն խաչեցին , մի լիցի . այլ զբանն արհամարհեցին զմարմնն բանին ՚ի խաչին բևեռեալ . քան զի Աստուած էր , որ արհամարհեցաւ . մարմնոյ Աստուծոյ և հոգւոյ չարչարանքն և յարուժիւնն եղև . վասն այսորիկ ասէր ցՀրեայսն տէրն , Լուծէք զտաճարս զայս , և զերիս աւուրս յարուցից զսա , որ պէս ասէ մարդարէն , Փոխանակ զի ՚ի մահ վարեցաւ անձն նորա , և ոչ ինքն բանն : Եւ Յոհաննէս ասէ , Եւ նա զանձն իւր եղ վասն մեր :

Դարձեալ ասեն ներհակքն . և եղիցի խոցումն մարմնոյն . իսկ չարչարանքն բանին . վասն այսորիկ Աստուած չարչարելի ասէք , և հեռաբար ինքեան բարբառիք յաւետ համաձայնաբար աղիանոսացն . քան զի զայս նոքա օրինադրեն : Եղիցի և ՚ի մեռելոց բանն յարուցեալ ըստ ձեզ . քանզի հարկ է ուրեմն ՚ի



գ ժ ո խ ո յ զ ս կ ի ղ զ բ ն յ ար ու թ է ան ն ա ու  
 ն ու լ , զ ի կ ա ս ար ե ա լ ի յ է յ ար ու  
 թ իւ ն ն և մ ա հ ա լ լ ու ժ ու մ ն , և որ ո յ  
 ան ղ ն հ ո ղ լ ո յ ար ձ ա կ ու մ ն : Ի ս կ է  
 թ է զ ա յ ս ս ի կ բ ան ն կ ր ե ա յ , ո՛ւր է  
 ան ի ո ժ ո խ ու թ իւ ն ն և ան ա յ լ ա յ լ ու  
 թ իւ ն բ ան ի ն : Ո՛ւր է ն և ա յ ն ո ղ բ ի կ  
 որ զ ա մ է ն ա յ ն կ ի ր ս շ ար շ ար ան ա յ ն  
 Ա ս տ ու ժ ո յ բ ան ի ն վ եր ա ձ ա յ ն է ն :  
 Կ ար ծ է մ թ է ա յ ս ու բ ան իւ ս հ աւ ա  
 ս ար ա պ ա տ իւ թ գ ու ան ի ն Ա ի թ ո ս ի  
 շ ար ա փ ա ու ու թ է ան ն ն , և Պ ան ղ որ ո ս ի  
 ա յ լ ա յ լ ու թ է ան ն ն :

Եւ ապա դարձեալ հարցանեն .  
 ո՞վ է որ շարչարեցաւն , ո՞վ է որ  
 խաչեցաւն , Աստուած՝ եթէ մարդ .  
 զի եթէ ասիցէ Աստուած , հայհոյ  
 ու թ է ան յ ա ու ա ջ բ եր ի բ ան ս՝ ը ս տ  
 ա մ բ ար ի շ տ հ եր ձ ու լ ա ժ ո ղ ա յ ն . Ի ս կ  
 ե թ է աս ի յ է մ ար ղ՝ հ ր է ա կ ան դ ար  
 ձ է ա լ կ ար ծ է ո թ վ ար ե ս յ ի . վ ան ն ա յ  
 ս որ ի կ գ ի ը թ ս ու ը թ ա ս տ ու լ ա ժ ա  
 պ ա ս տ մ ար բ ար ՚ ի հ ո թ է ք ար ո ղ է ն ը ղ  
 բ ան ն , և զ ն ո յ ն ՚ ի յ է ա ի ն ժ ա մ ան ա կ ս  
 մ ար ղ ծ ն է ա լ ՚ ի կ ու ս է ն : Եւ կ ա մ  
 մ ար ձ ն ո յ ն ն որ ս շ ա փ աւ ո ղ ու թ իւ ն

առնուլ ձեռնարկեն. և որչափ, կամ  
զիսորդ արտաքոյ գրոց ասել յան-  
դրդնին. քանզի այսոքիւք մտածու-  
թեամբք լսրժեցան 'ի հերձուա-  
ծողացն մտածութիւնս :

Արդ առ ընկալ զբանս սրբոյն  
Աթանասի առանց երկբայութեան  
ընկալ և հաւատա, եթէ զնա քեզ  
համարիս. զի որչափ փաստաբա-  
նեալ յայանի տայ զաարացոյց այսր  
աստուածային իրի, զոր եթէ ան-  
գիտացար երբեմն, և կամ թէ ոչ  
եղեր ճշմարիտ վերահասու, զզջա-  
նալ ունիս ապաշաւանօք. զի ոչ ըստ  
քոյն ընտրելոյ ճշմարիտ աստուա-  
ծաբանեցեր, այլ կարի օտար և հե-  
ռագոյն: Ապա թէ առ այս ոչ զի-  
ջանիս հաւանական մտօք, կարծեմ  
թէ բանիւ միայն բերիս առ հաղոր-  
դութիւն սրբոյս աստուածա-  
ղգեասի :

Իսկ յաղագս մարմնոյս բնու-  
թեան յատուկ զոր ասացէք ոչ ու-  
նել մարդոյս բնութիւն, սրբափք  
յաստուածախօս տառիցս վկայու-  
թենէ հաւատարմանալ, զոր յայտ

նի առնեմք աստանօր : Սուրբ աս-  
 տուածարանն Գրիգոր գրէ 'ի դամ-  
 քանահան ճառին Բարսղի սրբոյն  
 ասելով . Յաղագս սուրբնութեան  
 յաստուածայինս ոչ էրկարօտ քա-  
 ջալերիլ յուսեքէ : Դարձեալ 'ի  
 ճառին որ յաղագս Կեսարոսի եղ-  
 բօրն է ասացեալ, գրէ ' թէ յաղագս  
 սուրբնութեան իւրոյ առ ուս-  
 մունս աստուածայինս յաղթահար-  
 եաց զամենայն հասակակիցս իւր :  
 Դարձեալ այլուր ասէ, Բնութիւնք  
 մեծամեծք և սուրբ՝ են պատճառք  
 տրամութեան : Դարձեալ 'ի Կե-  
 սարոսի ճառին, Չարմանայի ասէ,  
 զի մեծ բնութեամբն իւրով զիջանէր  
 առ խոնարհս : Սուրբն Գրիգոր  
 նիւսացին գրէ 'ի ճառս ներբողա-  
 կանս, որ առ նախավկայն Ստեփան-  
 նոս . Եթէ աստանօր և Հոգին սուրբ  
 'ի մեծաբանութիւնն Ստեփաննոսի  
 ասնիլ եղև : Գրէ և սուրբն Կիւրեղ  
 աղեքսանդրացի 'ի ճառին, որ թէ մի  
 է Քրիստոս . Անշիոթ մնացին բը-  
 նութիւնքն, որ են առանձինք, որ-  
 պէս 'ի միաւորութեան հոգւոյ և

մարմնոյ մերոյ՝ առանձնական բնու-  
թիւնքն միաւորին : Դարձեալ Յօ-  
հան ոսկեբերան գրէ՝ ի հինգերորդ  
ճառն , որ յառաջին թուղթն կո-  
րննթացուոյ : Մի՛ թէ սոքա ամենե-  
քեանք ո՛չ համարին աշակերտք .  
քանզի բնութիւնք երկիւղածք ա-  
ռաւել գիտեն յիմարել :

Դարձեալ ՚ի բովանդակ երգօ  
մեր և ՚ի պաշտամունս , և ՚ի կար-  
գաւորութիւնս աղօթից որպէս  
ասէ , Արարեր զգիշերն ՚ի հանգիստ  
քնոյ տկարացեալ բնութեանս մե-  
րոյ . և թէ Մերօվ բնութեամբ բար-  
ձար ՚ի վերայ խաչին . և այլն ամե-  
նայն հին և նոր կտակարանքս ոչ  
ուրացան զմերս բնութիւն , և տան  
ուրեք տարացոյց ծածկութեան ,  
զու զհարգ այսոցիկ ամենեցուն ընդ-  
դէմ կռուիս փաստաբան վկայու-  
թեամբ . յորմէ պարտիս հրաժա-  
րել և ՚ի բաց կալ ՚ի կեղակարծ  
մտածութեանէդ աստուածայնովքս  
յանդիմանեալ : Ապա թէ ոչ՝ հա-  
տանիս սոքօք յորոշումն շնչոյ , որ-  
պէս և այլ մտորեալքն . վասն զի

այսորիկ ամենեքեան մարմնաւորք  
էին, և մարմնով շրջեցան և երևե-  
ցան, և ոչ առաջք. և գոյր սոցա  
բնութիւն որպէս և այլոցս :

Ծանեաք և որ ինչ յաղագս  
հարցմանն մեր էր առ 'ի մէնջ բանք  
դիմադրականք և խրատականք. զի  
գրեցիք եթէ այս հարցմունք առ-  
անին պարտին լինել ծածուկք և  
անյայտք՝ մանկանց առ ծերս խոր-  
հրդաբար և ծերոց առ իրեարս,  
և ոչ համաշխարհական թղթովք :  
Եւ զայս որդին որոտմանն ոչ արար  
և կամ պատուիրեաց մեզ. այլ մե-  
ծաբարբառ հնչմամբ 'ի վերուստ  
որոտաց զոր 'ի հոգւոյն Աստու-  
ծոյ ընկալաւ և ասաց, թէ Բանն  
մարմին եղև և բնակեաց 'ի մեզ : Եւ  
այլուր եթէ՝ Չեռք մեր շոշափեցին  
'ի վերայ բանին կենաց : Եւ այլուր,  
եթէ Հայր իմ մեծ է քան զիս :  
Եւ այլուր, թէ Ես և Հայր իմ մի  
եմք : Եւ այլուր թէ Հայր իմ և  
ձեր. և Աստուած իմ, և Աս-  
տուած ձեր : Եւ այլուր, եթէ Որ  
ետեսն զիս, ետես զՀայր : Եւ այլ-

ուր թէ Գոհանամ զքէն զի լուար-  
 ինձ : Եւ այլուր՝ թէ Ամենայն  
 ինչ որ 'ի հօրէ , այն իմ է . և  
 զգործսն , զոր հայր գործէ և ես  
 գործեմ : Արդ մի՛ թէ այսոքիկ  
 ամենեքեան հակառակք և այլև  
 այլք և անմիաբանք իրերաց ասա-  
 ցան և գրեցան : Եւ այս հեր-  
 ձուած չարմտածութեց , և կարծիք  
 'ի հոգի՛ն Աստուծոյ տայ զհայհոյ  
 ութիւն , թշնամութեան հոգի՛ և  
 ոչ խաղաղութեան զնա կարգալուի-  
 քաւ և մի՛ լիցի : Եւ յաղագս ծած-  
 կելոյ անյայտութեամբ զաստուա-  
 ծախօս պատգամս , և զգաւանու-  
 թիւն ճշմարիտ հաւատոյս քրիս-  
 տոնէից՝ յայլ ումեքէ ոչ լուար 'ի  
 սրբոցն : Բայց միայն 'ի շանց և 'ի  
 խողից հրաժարեցոյց աստուածայ-  
 ին բանն : Իսկ զայս մեծաբարբառ  
 ընթեռնուլ և ձայնել ուսաք յամե-  
 նայն եկեղեցիս քրիստոնէից , և 'ի  
 նստիլ 'ի տան , և 'ի գնալ 'ի ճանա-  
 պարհի , իբրև զաւետաւոր պատգա-  
 միս : Այդ հեթանոսացն է մասն

առասպելաց և աղճատանաց, որ  
 սէս սիւթագորացին այն կին զգոր  
 ծիս իւրոյ բանին ճաշակեալ առ  
 յայտնուին առականացն ծածկե  
 լոց, երևեցաւ ընդ հաւանականնա  
 հատակս: Իսկ մերս ճշմարտութեան  
 նահատակք ոչ այսպէս. այլ յայտ  
 նի և բարձր քարոզութեամբ 'ի ժո  
 զովս և 'ի գուհս և 'ի քաղաքս: Որ  
 և առ այս ըստ օրինի ճշմարիտ բա  
 րեկամի խորհրդակցեմ քեզ՝ ըն  
 թեռնուլ և քննել զգիրս, և հաւասար  
 գոլ սրբոցն և աստուածազգես  
 տիցն յամենայն ձայնս գրոց, 'ի  
 բանն, 'ի տեսութիւնն, 'ի տեղին,  
 յընդգիմակն, և առ որս ասեն. զի  
 մի հատակոտոր ընդգիմակք և ան  
 միաբանք երևեսցին քեզ. և զրկեալ  
 գտանիցիս 'ի ճշմարտութեան ճա  
 նասպարհէն, և սլատժ ասլարտ յար  
 գարադատ ատենին՝ զբարիօք գը  
 բեալն չարաչար մեկնելովս: Ասն  
 զի ունին նկատել և հայել գեղա  
 սանձքն և շքեղքն 'ի ճշմարտա  
 խօս բանս իւրեանց. և թէ ոչ այն  
 պէս՝ գտտախազք լինին քեզ իբրև

զՀողին Աստուծոյ Թշնամանողի :  
 Ունիա քեզ վարդապետս զբանս  
 սրբոյն , զորս յիշատակեցեր 'ի  
 վկայութիւն միութեան բնու-  
 թեանցն . ընդունելիք էն և աս-  
 տուածաճաճոյք , և աս 'ի յինէն եր-  
 կրրպագեալք և խոստովանեալք :  
 Եւ զոր այժմ յայտ արարեալ  
 առաջի եղաք ձեզ 'ի նոցայոցն բա-  
 նից , ոչ ընդդէմ նոցա և հակա-  
 ռակ խօսեցաք . այլ առ քոյդ տկար  
 մտածութիւն եղաք , զի զգուշա-  
 ցիս , և յամենայն լրութիւնս աս-  
 տուածաշունչ գրոց , զորս վկայս  
 քեզ կարգեցեր . և 'ի մի միաբա-  
 նութիւն ածեալ կացուսցես ան-  
 հակառակս և անկոխս . սրտիւ հա-  
 լատալ , և բերանով խոստովանել .  
 որպէս և ես հաւատամ և խոստովա-  
 նիմ ըստ սրբոյն Աթանասի . Աս-  
 տուած և որդի Աստուծոյ , և որդի  
 մարդոյ , 'ի մի բնութիւն բանին մար-  
 մնացելոյ : Եւ ըստ սրբոյն Երփնոսի,  
 Եկն որդին Աստուծոյ և զգեցաւ մար-  
 մին անմեկնելի և անորիշ ըստ կրից  
 և ներգործութեանց միութեան ,



ոչ որիչ և ոչ այլ և այլ, այլ նոյն մի  
 Դարձեալ ըստ Աթանասի. իսկ է-  
 թէ բանին մարմին, քանզի բանն  
 մարմին եղև և բնակեաց ՚ի մեզ,  
 հարկ է և զմարմնոյն շարչարանս  
 ասել նմա, որոյ մարմինն է.  
 Դարձեալ և զոր առ Յուլիոս ասէ.  
 Ընդունիմք և հաւատամք, ոչ մարդ  
 էր, զոր ծնաւ Մարիամ, և ոչ զոր  
 Հրեայքն խաչեցին. Աստուած ծը-  
 նեալն ՚ի կնոջէ, և Աստուած խա-  
 չեալն ՚ի Հրեից: Նոյնպէս և զԳրի-  
 գորի սքանչելագործին, և զՊրոկղե-  
 երանելոյն, և զԵփրեմի երանելոյն  
 և Ճղնաւորին. զմերոյ սրբոյ Լու-  
 սաւորչին, զԳրիգորի աստուածա-  
 բանի, և զայլոց սուրբ և աստուած-  
 ընկալ հարցս, զորս յիշատակեցեր  
 գրչութեամբ, և որ այլք համանմանք  
 սոցա և հաւասարք, ընդունիմք և  
 հաւատամք սրաիւ, և վերնոցն դա-  
 սակից և աթոռակից գոչեմք, և ՚ի  
 բանս նոցա կասեալ էմք անխղելի  
 առասանօք հաւատոյ, յԱստուածն  
 և ՚ի մարդն, ՚ի միութիւնն, յերկուու-  
 թիւնն, ՚ի կամքն, ՚ի ներգործու-

Թիւնն , 'ի կիրքն , մինչև ցյովա մի  
 նշանախեցի ոչ պակասեցուցանեմք,  
 և ոչ առաւելումք 'ի շարէ շինմանն :  
 Չորս ընդունին սորա 'ի դաւանողա-  
 ցին ընդունիմ և ես , և զորս որոշեանն ,  
 որոշեմ և նզովեմ : ՉՔաղկեդոն ոչ  
 գիտեմ , և ոչ զԼեոն ճանաչեմ , իսկ  
 եթէ բարիք են՝ անձանց և ժողո-  
 վերդեանն , և եթէ չարք՝ անձանց և  
 ժողովրդեանն : Չօրէնսն նորա ոչ  
 գիտեմ , և դատող մեղացնորա ոչ  
 լինիմ 'ի վկայութենէ այլոց : Յայս  
 միայն եմ հաստատեալ , զի որ առ  
 մեզ այժմ խօսակցին , եթէ գտցեն  
 յայսց սրբոց դաւանութիւն և  
 հաւատ յատուածաշունչ դրոց  
 վկայութենէ , ընդունիմք իբրև զեղ-  
 բարս իւրաքանչիւր կարգօք և կրօ-  
 նիւք . և թէ սխալեալք են՝ ընդու-  
 նիմք զզջումն . սպա թէ ոչ՝ աղօ-  
 թեմք վասն դարձին իբրև զկարե-  
 կից անձն , որպէս ուսաք և 'ի վերայ  
 թշնամեացն աղօթել : Հաւատա-  
 փօխք ոչ լինիմք ըստ քոյդ տարա-  
 կարծ մտաց , զախոս իւրաքանչիւր  
 անձանց առ ընկերն տեսանելով :

Իսկ որ յաղագս Հաղբատայ, և  
 Անեցւոյն առ ՚ի ձէնջ բան մեղա-  
 դրական, և անմտութեան խնդիրք  
 զօշաբաղ մտօք՝ արկանել զմեզ ընդ  
 լծով ծառայութեան ձեր առանց  
 մատենագրի, ոչ ինչ հոգալ յարե-  
 ելա, ոչ լսել զբան ՚ի մերոց, ոչ տալ  
 միւռոն և ձեռնագրութիւն, և զայս  
 մինչև ցայս վայր կամեցաք յօժա-  
 րամիտ կամօք, և յառաջեցուցաք  
 ՚ի գործ. վասն զի ծանեաք եթէ  
 Աստուածք իցէք, կամ որդիք  
 բարձրելոյն: Նա ոչ այսպէս. այլ  
 իբրև զմարդիկ մեռանիք, և իբրև զմի  
 յիշխանաց անկանիք:

Երգ յայսմհետէ լռեալ գաղա-  
 րեսցէ քոյն առ ՚ի մէնջ գիր և բան,  
 մինչև լռեալ գաղարեսցես ՚ի հպար-  
 տութեան ախտէդ: Քեզ զինչ գոյ  
 հաղորդութիւն առ Հաղբատ. այն  
 մեր է սեփհական, և տեղի յիշա-  
 տակի. եթէ կայ՝ մեզ կեայ. և եթէ  
 մեռանի, մեզ մեռանի, եթէ զայն  
 սամք, ոչ վասն ումք. և եթէ յայ-  
 լոց են խափանեմք, ոչ յումքէ  
 նեղիմք:

Իսկ ընդ այս կարի յոյժ՝ զարմանամբ, զի մեր գիր և բան՝ ի դէմս ամենեցուն գրեցան, որպէս և ՚ի քոյդ. և դու յայլոց ընկերակցաց քոց ՚ի բաց կացեր իբրև զքաջ մենամարտիկ ոք, և զայս պատուական և պիտանի նամակ ՚ի քո անուն ձայնեցեր : Այս գոհութիւն Աստուծոյ մեծապէս, զի դոքա ոչ գտան համախոհ այսմ պատառատուն հերձուածոյս, այլ կան մնան ՚ի ճշմարտութեանն աւանդ խոստովանութեամբ սրբոց և աստուածազգեստից հարցն, որոց փառացն արժանացին ՚ի Քրիստոսէ Աստուծոյ մերմէ, որում փառք յաւիտեանս . Ամէն :

## Ն Ո Ր Ի Ն

Պապասխանի շարժապետացն Հայոց  
հիստորիան իողմանց :

**Օ**ՄԱԿԱԳՐԵՅԼ բանս քրիստոսազգեցից արանց սպասաւորաց բանի ընթերցաք աշխատասէր մըտաք, և ծանեաք զոր 'ի սմա բան և իր, և խորհուրդ բանի, մեք և որ ընդ մեզս էն սրբոց ժողովք, առ որս սլատասխանեցաք փոքր ինչ ընդ որ առ մեզս էն ազգմունք յարտաքուստ, և խորհուրդք 'ի սրաից :

Յայտնապէս հրատարակեաց յաստուածախօս սլատգամս իւր 'ի ժամանակս զգեցման մարմնոյ ճշմարիտ սիրոյն Յիսուս, որոց շնորհեցաւ ընդ ունել, և թէ Պատուիրանն որ տամ ձեզ, զի սիրեալեք զմիմեանս, զի այսու ծանոցեն զձեզ ինձ աշակերտս

լինել: Որպէս և առ օրինականն աւսաց՝ եթէ յայս երկուց ՚ի մի շարայարեալ պատուիրանս ամենայն օրէնք և մարգարէք կապեալ են և կախեալ անխզելի: Եւ եթէ՝ որպէս ես ձեզ արարի, և դուք միմեանց պարտիք առնել, և զանձինսդ ևս դնել ՚ի վերայ միմեանց:

Զսոյն ճշմարիտ պատուիրան հաստատեցին հետևողքն տեառն և իրազաղարարքն տիեզերաց՝ ըստ չափոյ պարգևելոյնոցա՝ ՚ի վերուստ որպէս և յաւել ունի ՚ի նոցանէ և և ասաց, եթէ Աստուած սէր է, և որ կայ ՚ի սէրն՝ բնակեալ է յԱստուած, և Աստուած ՚ի նմա բնակէ. և թէ՛ Սիրելիք սիրեցուք զմիմեանս, զի սէր յԱստուծոյ է: Դնէ և անօթի ընտրութեան Պաւղոս՝ գլուխ և լուծն օրինացն զսէրն. սիրել ոչ միայն զսիրելիս, այլ և զթշնամիս. տալ քաղցելոց հաց, և ծարաւելոցն ջուր, լուծանել զակն ընդ ական, և զատամն ընդ ատաման. դնալ ընդ վարօղան, և տալ ընդ շապկին և զխակեղն ՚ի պէտա

խնդրողին, թերևս զեղբարս շահեացուք, և դացուք ճշմարիտ անտեսք և մատակարարք բանին՝ տալ ՚ի ժամուս զկերակուրն, և արկանել զտաղանդն ՚ի սեղանաւորսն ըստ կամաց պահանջողին տոկոսեօք:

Զոր մեր լուեալ զայստսիկ և որ սոցին նման, և աշակերտեալ ըստ չափոյ կարողութեան մերոյ՝ ճշմարիտ սիրով ջանամք նկրտիմք ոչ միայն անձին հաճոյ լինել, այլ և բնկերին ՚ի սկես շինութեան բաղմաց, եթէ տացէ աէր սերմն և հաց՝ ըստ նախատես բնութեանն վկայեցելոյ. և սակս այսորիկ տքնիմք, և հողամք, ըստ նմին և ազօթեմք՝ ոչ միայն ՚ի վերայ եղբարց, անդամոց ճշմարիտ գլխոյն, այլ և ՚ի վերայ թշնամեաց և հակառակաց գլխոյն և անդամոցս. և առ հայր կարգամք եթէ թող սոցա, զի ոչ գիտեն զինչ գործեն: Գնեմք ծուներ և աղաղակեմք ՚ի ձայն բարձր առ յայանեալ մեզ ճշմարիտ աստուածութիւնն, եթէ Տէր մի համարիր սոցա զայս մեզս. և ջանամք ածել զգողն դար-

ձեալ 'ի գրականն, ուստի արտաք-  
սեցաւ վասն պատճառին. և 'ի զբը  
կողացն կացուցանել ճշմարիտ վը  
կայս որդիութեանն Աստուծոյ. առ-  
նել և զզլացողան զգօն, և զխաղամ-  
բար կռուողն 'ի պէտս տեառն ա-  
նօթ ընտրութե. լինել ընդ Հրեայան՝  
հրեայ և խաչեցող, և ընդ անօ-  
րէնան՝ հռոմայեցի անօրէն և կռա-  
պարիշտ. ոչ անձին հաճութեամբ,  
այլ 'ի պէտս բազմաց զի ապրեացին:

Յօրմէ և մեք զայս աւանդ պա-  
տուիրանի առաքելութե՝ Ի Քրիստոս  
Յիսուս չիք խօսիր, ոչ հրեայ, ոչ  
հեթանոս, ոչ ծառայ, և ոչ ազատ,  
զի ոչ թշխատութիւն և ոչ անթրլ-  
մատութիւն, այլ նոր արարած. և  
որ միանգամ այսմ կանոնի միաբան  
լինին, խաղաղութիւնն Աստուծոյ  
'ի վերայ նոցա և ողորմութիւն. մի  
Քրիստոս, մի մկրտութիւն, և մի ե-  
կեղեցի, զոր ոչ Պաւղոս, այլ որ ին-  
քեամբ ընդ մեզ խօսէր յայանեաց  
մեզ: Չայս և ոչ ուստեք լուաք է-  
թէ պատուիրեաց մեզ ոք 'ի սրբ-  
բոցն էթէ այլ Քրիստոս էր որ յա-



դագս Հայոց եկն, և այլ որ յա-  
 դագս Հռոմոց, և այլ որ յա-  
 դագս Գրանկաց հակառակք մի-  
 մեանց, այլևայլ պատուիրանք, ա-  
 տել զմիմեանս և նախատել. անի-  
 ծանել և հայհոյել և խոտան հա-  
 մարել: Եւ այսու աղաղաւ համար-  
 ձակեցաք գրել առ նոսա խաղա-  
 զական գիր 'ի խնդիր սիրոյ՝ սկսեալ  
 ոչ առ 'ի մէնջ, այլ 'ի մերոց սրբոց  
 նախնեաց. զոր թէ այլ ումեք առ  
 'ի ձէնջ ոչ է գիտելի այդ, 'ի Վար-  
 դանայ չէ անտեղեակ թէ որքան 'ի  
 վաղուց հեռէ էր սկսեալ, և որչափ  
 և քանի՛ էր 'ի նոցանէ առ այս խն-  
 դիրք յայտարարութեանց յայանել  
 և կատարել. նախ երկուց բնու-  
 թեանցդ բան, և կամաց և ներդոր-  
 ծութեանց. երկրորդ ընդունելոյ  
 զժողովն Քաղկեդոնի, և զնորայն  
 տումարս. երրորդ 'ի սուրբ խոր-  
 հուրդն ջուր խառնել և խմոր 'ի կիր-  
 արկանել. չորրորդ առնել զմիռ ոմն  
 սուրբ 'ի պողոյ ձիթենուց. հինգե-  
 րորդ բառնալ զխաչեցարն 'ի սրբ-  
 բասացութենէն. վեցերորդ լու-

Ծանեւ զպահս առաջաւորին . եւ թներորդ առնուլ զհրաման կաթողիկոսութեանն 'ի թագաւորէն . ու թերորդ՝ հաւասարիլ ընդ նոսա տօնիւ ծննդեանն : Եւ այսմ ամենայնի հակառակ և դիմամարտ ես էի յառաջն . և խնս գրով և բանիւ հազիւ ուրեմն ամի յայդ , զի անուանեցին զմեզ եղբարս զրպարտեալս 'ի միմեանց . և վկայեցին եթէ ծանեաք յերգս ձեր և յօրհնութիւնս՝ որ է շարականքդ , որ առ Աստուած զճշմարիտ հաւատոյ ձերոյ ուղղափառ դաւանութիւն . և զամենայն խնդիրս լուծին և զհայցուածս իւրեանց : Բազում և այլ բանս խաղաղութեան և սիրոյ գրեցին և խօսեցան :

Ասան որոյ գրեցէքն եթէ այս շարամանեալ ունի ընդ ինքեան զազանդն՝ Եստորի , և զչարութիւնն նորա , առ որս ասելի է , եթէ մեք ուստի՞ ծանեաք զԵստոր և զազանդ իւր շար : Ի Սանահինն խօսեցաւ , եթէ 'ի Հաղբատ հրատարակեցաւ . եթէ 'ի մայրաքաղաքն

մեր Անի առաջնորդ կարգեցաւ և  
այնու խոտեցաւ : Նոցա էր և 'ի նո-  
ցանէն ել և 'ի նոցանէ խոտեցաւ,  
և նզովեցաւ և նզովի մինչև 'ի վախ-  
ճան, և յայլ ումեքէ ոչ բռնագա-  
տին խոտել զնա, բայց եթէ յան-  
ճանց և 'ի գխտութենէ իւրեանց :  
Մեք յանուն Եւտիքի, Տիմոթէոսի  
և Դէոսկորոսի զխորդ կոչիմք, և ա-  
նուանեմք զնոսա սուրբս, և 'ի բանս  
նոցա կապիմք իբրև յերկաթ : Ազ-  
գակիցք եմք նոցա բանիւ, եթէ դա-  
ւառակիցք քաղաքաւ. հարազանս  
լատ մարմնոյ, եթէ ծնունդք ըստ  
հոգւոյ :

Առ մեզ մի լեցին խոտելք մերն  
սուրբ լուսաւորիչք և հարք, այլ պա-  
տուելք և պաշտելք սուրբն Գրի-  
գորիոս և զարմն իւր սուրբ, սուրբն  
Ներսէս և Սահակ, և որ ըստ նո-  
ցայն յատակքն և ճշմարտախոհքն,  
և նոցայն քարոզեսցի քաջութիւն  
յեկեղեցիս մեր, և յազագս նոցա  
բանակառու ետցուք եթէ գտցին հա-  
կառակք : Որ նոցայն են՝ իւրեանց  
է գխտելի, լաւութիւն և վատու-  
թիւն՝ նոցա :

Ածցուք 'ի մէջ և զայնուսիկ՝ որք  
 նոցա են, և մեզ քաջ տեղեակք և  
 յայտնիք, զուրք և զաստուածա-  
 զգեաց հարսն, և զուրք բանս նո-  
 ցա. զուրքն Աթանաս, և զուրքն  
 Գրիգոր Նիւսեայ, և զմիւս Գրիգոր  
 աստուածաբանն, և զուրքն Բա-  
 սիլիոս, և զբերանս սկի սուրքն Յով-  
 հան: Միթէ այսոքիկ 'ի նոցանէ  
 խոտեցան, և առ 'ի մէնջ սրատուե-  
 ցան. միթէ ոչ ընթեռնուեն յա-  
 րաժամ 'ի սրբոյն Աթանասէ ըզ-  
 գրեալն. զոր յաղագս անշփոթ  
 խառնմանն յատուկ և կատարեալ  
 բնութեանցն գրէ ասելով, Ի նմա-  
 նութենէ տեառն որ առ մեզ մեծ  
 է օգուան, զի և մեք նմանեցուք  
 առ նա. քանզի թէ ոչ ինքն էր նը-  
 մանեալ առ մարդիկ, սարս էր 'ի  
 նմանութիւնս մեր իշէլոյն՝ ըստ  
 այսմ մանաւանդ նմանիկ, ըստ ո-  
 ղում փոխադրութեան էաք կարօտ  
 ըստ ախտից, զի զայսոսիկ յանախ-  
 տութիւն փոխեալ կացուցէ: Եւ  
 մի որ անհաւատ լիցի յաղագս ախ-  
 տիցն լսելով համարեալ փոփոխիլ

աստուածութեանն. այլ առեալ  
 'ի նմա ախտք 'ի մարմնական և յանձ  
 նական շարժութեանէ ամցէ զմտաւ  
 և առեալ և պարտեալ. քանզի  
 վասն այսորիկ առեալ եղև, զի յաղ  
 թեացի. և վասն այսորիկ յաղթե  
 ցաւ, զի ամենայն մարդկային բնու  
 թիւն ըստ ազգակցութեան բարե  
 գործեացի. քանզի անտի սկսեալք  
 փոխակերս: իսք ամենեքեան, յախ  
 տացելոց անախտք, և 'ի մեռելոց  
 կենդանիք կազմեալք: Արդ մի ոք  
 ամբօխեացի յանհաւաստութիւն, և  
 թէ ասէ Աստուած գոչով տէրն  
 միանգամայն և մարդ՝ Այժմ անձն  
 իս իւրովեալ է: Քանզի այս լինէր  
 աստուածութեանն թողացուցեալ  
 մարմնայն ամբօխել, կարող գոչ  
 աստուածութեամբն 'ի բաց մեր  
 թել զխռովութիւնն, այլ ոչ կա  
 մեցեալ, զի մի զնմանութիւնն որ  
 առ մեզ՝ լուծցէ: Այսպիսի ինչ է  
 իմանալ և յորոց առ մեզս իրաց,  
 որպէս զի խառնեալ մեզր առ ջուր՝  
 ոչ միայն փոխադրի, այլ ջուրն յա  
 ւելաւ, և որ 'ի կարգին է:

Ասեմք, եթէ անդիտանան և ըզ-  
 հարցմունս Արիանոսին և Քաղ-  
 կեդոնին, և զպատասխանիսն սրբ-  
 բոյս. և թէ որպէս և քանի գեղեց-  
 կայարմար բանիւք բաժանէ և միա-  
 ւորէ 'ի կիրս մարդկայնոյն և աս-  
 տուածայնոյն՝ խոնարհագոյն և  
 բարձրագոյն: Հաւատալի լիցի մեզ  
 և այս՝ եթէ բանք սուրբ հօրն Գրի-  
 գորի Նիւսեայ զանխուլ են 'ի նո-  
 ցանէ և ոչ են ընթերցեալ, և յար-  
 կեղս գրոց ամբարեալ զսուրբ բանս  
 նորա, և ընթեռնուն՝ առանց միջ-  
 նորդի և միաբարբառ խօսիւք զմիա-  
 ւորութիւն անձին առ մարմին, և  
 զյաւելումն և զպակասութիւն էու-  
 թեանն յէութենէ՝ Պէրֆէռիոսի  
 իմաստնոյ վկայութեամբ. և կամ  
 այլ բովանդակ բանք նորա անյայտք  
 են 'ի նոցանէ, և ոչ ընթեռնուն  
 զգերեզմանական ատացեալ ճառս  
 որ 'ի վերայ տեառն թէ զո՞վ խըն-  
 դրեաց Յովակիմ 'ի Պիղատոսէ, և կամ  
 վասն ո՞ր սղաչէր և աղերսանօք  
 ինդրէր, և կամ զո՞վ սրատեաց ան-  
 շնչացեալ և եղ 'ի գերեզմանի:

Եւ կամ որպէս դարձեալ 'ի գիմաց  
հրեշտակին աւետարանէ կանանցն  
առեալ զբանս նորա, թէ յարեալ  
որպէս ասացն, ստուգեաց ըստ  
սովորութեան իւրոյ զճշմարտու-  
թիւնն. և զոր բանիւ յառաջ ասաց,  
զայս և գործովք կատարեաց, և ան-  
մահ սատուածութիւն նորա ան-  
մահ մնաց. և 'ի ժամանակի մահ-  
կանացու մարմին նորա մարմնական  
աչօք զքուն մահու յանձն էառ, և  
անկեալ որպէս զառիւծ ննջեաց  
Թագաւորապէս, և զարթուցեալ  
յարեալ, և ելեալ անգուստ որ-  
պէս Աստուծոյ իսկ վայել էր, և որ  
'ի կարգին:

Ածեմք զմտաւ ահաւասիկ, ե-  
թէ անլուր են նորա 'ի բանից սրբ-  
բոյն Գրիգորի սատուածաբանի.  
ոչ ընթեռնուն իւրական բանիւն  
յաւուր տօնի ծննդեանն Քրիստո-  
սի զառ 'ի նմանէ խօսեցեալ զաս-  
տուածաբանական ճառն, եթէ  
Քրիստոս ծնեալ լինի, և Քրիստոս  
յերկնից և 'ի մարմնի և 'ի կուսէ և  
'ի վերայ երկրի. և զի 'ի ցնծութիւն

կոչէ զարարածս յաղագս երկնաւո-  
 րին, և ապա երկրաւորիս. անմայր յա-  
 ռաջնումն, անհայր յերկրորդումն,  
 լուծանելով զօրէնս բնութեանն,  
 որով ծնաւ մեզ մանուկ, և տուաւ  
 մեզ որդի. անմարմինն մարմնա-  
 ցեալ, և բանն թանձրացեալ, և ան-  
 տեսանելին երևեալ և եկեալ 'ի  
 շօշափումն, և անժամանակն ըս-  
 կիպէն առեալ ժամանակի. և որ  
 յառաջն որդի էր ծոցածին, այժմ  
 որդի եղև կուսածին. օծեալ և փրբ-  
 կիչ, և 'ի Հօրէ անբաժանելի, որ-  
 պէս երէկ՝ նոյն և այսօր և յաւի-  
 տեանս յաւիտենից: Արք ոչ հա-  
 լատացին զգեցման մարմնոյն՝ գայ-  
 թակղեացին, և որք 'ի մարմնոյն աղ-  
 կարացան՝ ծիծաղեացին. իսկ որք  
 թերակատար մտօք ջատագովք լի-  
 նին նորասբանչ գործոյն՝ լեզուա-  
 գարեացին, յանհուն անդունդս լի-  
 զալով: Ասան զի եղև նոր զարմանք.  
 և երևեցաւ Աստուած մարդ ծնըն-  
 դեամբ որ էրն, և միշտ էն, և որում  
 գեր 'ի վերոյ էր մարդկայնոյս բա-  
 նի և պատճառի գոլն, յաղագս մեր



եղև. և 'ի վերջին ժամանակի որ է  
 Ինքն Աստուծոյ բանն նախ քան  
 դյաւխտեանն, աներևոյթն, ան-  
 հասանելին, անմարմինն, իսկզբանն  
 սկզբն, 'ի լուսոյն լոյս, ազբիւր կե-  
 նաց և անմահութեան, կերպարան  
 սկզբնատալին, այսինքն նման ծնո-  
 ղին՝ շարժեցեալ ծննդեամբ 'ի Հօ-  
 րէ, և կնքեալ 'ի բազմորդութենէ,  
 ոչ փոխեալ 'ի նմանութենէ Հօր,  
 և ոչ արտասահման եղեալ բան՝  
 յիւր ստեղծեալ կերպարանն դայ,  
 զգե՛նլով մարմին և հոգի, զի սրբեա-  
 ցէ և մաքրեացէ զնմանակիցն իւր  
 կերպարան՝ աստուածային խառ-  
 նամբն :

Յոր հայեցեալ երանելիս զար-  
 մանայ հիացմամբ և ստէ. Ո՛վ նոր  
 խառնմանս, ո՛վ սքանչելի խառ-  
 նուածոյս : Իսկ զբարարողքն և  
 դառնիքն համարս առնուն յաս-  
 տուածութենէն, և լինին օտխը  
 գովելի խորհրդոյս այսորիկ, և խա-  
 ւարին առ ճշմարիտ լոյսն, և յիմա-  
 րանան յիմաստս աստուածայինս  
 սուղտանելով զբարի և զաստուա-

Ծախայեւոյն գործս Աստուծոյ,  
 համարելով փոքր զյաղագս մեր  
 նուաստացեալն, զի տացէ զառող-  
 ջութիւնն աստացելոյ բնութեանս,  
 և հանցէ 'ի վեր զկամաւ անասնա-  
 ցեալս մեղօք: Քանզի առաքեցաւ,  
 այլ իբրև զմարդ, զի կրկին էր. ո-  
 ռով և վաստակեցաւ, և երկեաւ,  
 և արտասուեաց, քաղցեաւ և ծա-  
 րաւեցաւ օրինօք մարմնոյն. և եթէ  
 իբրև զԱստուած, զինչ այս, զի ա-  
 մենայնիւ զկամս հօր սարս էր կա-  
 տարել. յաղագս որոյ և մտանեալ  
 ասի, զի մի թուեցի ընդդէմ Աս-  
 տուծոյ. յորս ոմանք գայթակղին  
 'ի բարձրագոյնան և 'ի խոնարհա-  
 գոյնան. միացուցանեն և ժողովեն  
 չարաչար, և կամ բաժանեն հա-  
 տանեն անաստուածաբար: Սոցա  
 բաժանել սարս էր, և նոցա միա-  
 ւորել:

Եւ զմարդ բազումս յերկարեցից  
 դրանս. միթէ չորեքեան գիրք սո-  
 րա որ առ մեզ, ոչ բովանդակին առ  
 նոսա, և այլ ևս յոլովագոյն ճառք.  
 միթէ զանխլացաւ 'ի նոցանէ ասա-

ցեալ բանն՝ եթէ Աստուած խա-  
 ջեալ, արեգակն խաւարեալ: Եւ  
 կամ ազուաղեցին զմիւս բանն, ե-  
 թէ արիւն Աստուծոյ, և չարչա-  
 րանք, և մահ Աստուծոյ. զորս մեր  
 'ի ձեռն առեալ զինխմք ընդդէմ  
 նոցա 'ի պատերազմ, հարկանելով  
 յաջ և յահեակ. զոր խնասանոց և  
 բարեպաշտից անձանց ոչ վայել է  
 յաստուածաշունչ գիրս զմիոյ բա-  
 նէ բուռն հարկանել, և զայլովքն  
 զանց առնել. և կամ հայհոյել 'ի  
 լուրս բանին, և զմիտս ոչ քննել-  
 ալ սաղմոսել հոգևով և մտօք, և  
 քննել զգիրս աշխատասէր մտօք  
 ուսաք. զի առանց սիրոյ՝ հնչումն է  
 սղինձոյ, և բնչումն սրնգի: Հաւա-  
 տալի է մեզ եթէ բարձին 'ի միջոյ  
 իւրեանց զբանս սրբոյն Բարաղի, և  
 զաստուածաբանական ճառս նո-  
 րա, ընդ նմին և զմեկնութիւնս սրբ-  
 բոյն Յովհաննուս օսկերբերանին հին  
 և նոր կտակարանացն. և կամ թէ  
 հաւատարանութիւնն Վիւրդի ա-  
 ղեքսանդրացոյ, և գիրք պարասպ-  
 մանցն. և կամ հաւատոյ խոստո-

վանութիւն սուրբ ժողովոյն նի-  
կիոյ կորուսեալ եղև յինքեանց. և  
կամ թէ մեզ աւանդեցին, և ին-  
քեանք թախաբ մնացին: Եւ կամ  
թէ քանի՞ ամբարեալ ունին առ ին-  
քեանս բանս գիտութեան գրով և  
անգիր, որով և մայր անուանեցան  
գիտութեան, և յոմանց ներհա-  
կաց՝ ճարտարք Յունաց: Եւ կամ  
թէ քանի՞ հերձուածողս հրատա-  
րակեցին և բարձին 'ի միջոյ՝ ըզ-  
գաղձն և զորոմն հատանելով և 'ի  
բաց խելելով աստուածային սրտին:

Արդ եթէ զայսպիսի մեծ և զող-  
ջոյն ազգ, յորոց միջի ճոխանայ գի-  
տութիւն և սլայծառանայ եկեղե-  
ցի Աստուծոյ՝ սլարախնք մոլարս և  
տգէտս կոչել, և սնտոի զյոյս նոցա  
'ի բանս և 'ի գործս, հաւանիմ և  
ես. վասն զի հայ եմ ճշմարիտ և  
աներկբայ սրտիւ: Ապա եթէ եղ-  
բարք եմք համաշունչք, և միոյ որս  
վայնի ծնունդք, և միոյ ստեանց  
դիեցիկք, և միոյ ճշմարիտ գլխոյ  
անդամք, և այսու աղադաւ եղբայ-  
րական սիրով կոչեն զմեզ 'ի խա-

դադու թիւն, պարտիւք զհետ գնալ  
 տիրապէս և յօժարամիտ կամօք :  
 Ասան զի զայս պատուէր առաք. և  
 զայն ոչ իբրև զգտեալք 'ի կորստե-  
 նէ, և կամ իբրև զգարձեալք 'ի մե-  
 ղանաց և 'ի սխալմանէ, այլ իբրև  
 զհետացեալ եղբարք գաւառաւ և  
 ժամանակաւ. որ և զայս թշնամու-  
 թիւն գործեաց բնութիւն հնա-  
 ցեալ սովորութեամբ ռիսակալու-  
 թիւնն, զմիջնորմն ցանկոյն քակել,  
 և զկրճիմն 'ի բաց բառնալ՝ եթէ  
 գոյ հնար, և մի անիծանիլ յեղ-  
 բարց, այլ օրհնիլ, շահել և շահե-  
 ցուցանել զնոսա. քննել զվնասն,  
 և հայիլ յօգուան. զի իմաստնոցն  
 աչք 'ի գլուխ իւրեանց է՝ առաց ի-  
 մաստունն, և ոքք կամաւ կուրա-  
 նան, անձանց բերեն զմեղադրանա :

Արդ յստակ մտօք և աներկեան  
 սրտիւ հայիլ արժան է մեզ 'ի բանս  
 յայս. զի եթէ իցէ երկուց ոմանց  
 ընթանալ ընդ մի ճանապարհ, լիցի՞  
 հնար միոյն մուլար լինել, և միւսոյն  
 ուղղորդ : Եթէ ոչ արդ ուղեկիցս  
 զմեզ արժան է իմանալ, և ճանա-

սլարհ զբանս աստուածաշունչիդ ոց,  
 և առաջնորդ զբանս սուրբս, զոր  
 վերոյ գրեցաք: Զոր այսու թշնա-  
 մութեամբս՝ որով վարեցաք, հարկ  
 լինի մեզ զմի ոք 'ի սոցանէ սուտ  
 կացուցանել, կամ զբանս, կամ զա-  
 սողս բանիցն, և կամ զընդունողս՝  
 եթէ ոչ են համաշունչք. և կամ  
 թէ զկարդ ոչ խօսեցան, և կամ  
 թէ մի ոք առ 'ի մէնջ զբարւոք  
 գրեալն չարաչար ընթեռնու:

Եւ արդ հաւատարմացաք 'ի  
 սրբոց արանց, եթէ 'ի բանս աս-  
 տուածաշունչ գրոց անմիաբանու-  
 թիւն ամենեկն ոչ գտանի, և ոչ  
 հատակոտոր ինչ և դար և կոճատ,  
 այլ միաբան և միախորհուրդ 'ի հո-  
 գւոյն Աստուծոյ խօսեցեալ և շա-  
 րայարեալ, և հիւսեալ առ մի-  
 մեանս գեղեցիկ յարմարութեամբ.  
 Երբեմն ըստ ժամու սխառոյիցն ընդ-  
 գէմ ներհակացն բաժանելով, և  
 երբեմն ժողովելով. այլ երբեմն  
 տալով զնուաստագոյնան մարմնոյն,  
 և զբարձրագոյնան Աստուծոյ: Ոչ  
 գթեցան 'ի բաժանելն յասկու-

Թեամբ և կրիւք, և ոչ խոտեցան 'ի միացուցանելն և 'ի Ժողովելն : Եւ յաղագս ասողացն չունիմք ինչ ա սել, վասն զի սուրբք են և սրբոց համապատիւք, և ընդունակք հոգւոյն : Իսկ յաղագս նոցա՝ վասն որոյ բանս է, յայանի է ստուգապէս, զի ակն են աղբեր, և ամենայնն առ 'ի նոցանէ տեսանի բղխեալ ջուր գխուլթեան : Արդ՝ եթէ գոյ հնար յայն դառնագոյն լինել ջրոյն, և 'ի հեռանալն միջոցաւ և լեզուօք քաղցրագոյն և անուշահամ լինել, ասլա պարտիմք զգուշացուցանել զնոսա իբրև զմուրեալ եղբարս, և յիւրեանց ջրոյ քաղցրահամութենէ զովացուցանել, զի ընտիր մշակք երևեսցուք բանին զեղբարսն շահելով :

Այլ զի գրեցէքն, եթէ յաղագս անշփոթ միաւորութեանն այլ ինչ իցէ բան՝ Աստուծոյ է գիտելի, հաւատամ և ես, զի որում լի են երկինք և երկիր փառօքն, և քննիչ է խորհրդոց և երիկամանց, զիւրն բնութիւն ոչ անգիտանայ : Իսկ

զայս այլ ոք 'ի սրբոց և յաստուած  
 ծագգեատից արանցն ոչ պարտ  
 վարկան գիտողին թողուլ . այլ  
 զԱստուած գիտել և ճանաչել ճշը  
 մարխտ վարկան, և սակա այսորիկ  
 զմարմինս իւրեանց 'ի խաչ հանին  
 կարեօք կենցաղոյս . օտարացան 'ի  
 տանց և 'ի ստացուածոց կարևորաց՝  
 հաստատելով զհիմունս իւրեանց  
 'ի վերայ հաստատուն և անշարժ  
 վիմի . և գտանելով երկիր բարւոք  
 և պարարտ՝ Աստուծոյ տալով  
 զպտուղ երեւնաւոր, վաթմնաւոր  
 և հարիւրաւոր : Եւ զայս ոչ միայն  
 մերովքս և Քրիստոսի ծառայիցս  
 հաւատարմացաք, այլ և առ ար-  
 տաքնովքն, և այնոցիկ ողբ բնու-  
 թեանց եղեն քննիչք թէ, որչափ և  
 քանի աշխատեցին զանձն և զմար-  
 մին 'ի գիւտ անձանօթ բնութեան :  
 Արդ՝ եթէ մեզ զուեղն պարտ վար-  
 կանիք, ոչ ընդգիմանաւք . զի գը-  
 րեալ է թէ զխրատ ամբարիշտքան  
 գոանեն :

Այլ զի գրեցէքն բաւական ու-  
 նել զհարցն աւանդ, և այնր աւան-



գապահ զիս ասացէք լինել. և շնորհ  
 ունիմ բարւոք վկայութեան ձե-  
 րոյ : Այլ հարցանեմք եղբայրաբար  
 սիրով, եթէ զո՞րս 'ի սրբոց հարցն  
 գնէք աստանօր, զի զայս պատուի-  
 րան աւանդեցին մեզ, հակառա-  
 կասէր լինել և կռուող, միոյ գլխոյ  
 անդամք ելով ասել ձեռաց ցտան,  
 թէ չես ինձ պիտոյ, և չես աստէն  
 յիմոյս մարմնոյ : Եւ կամ միոյ մօր  
 որդիք՝ հակառակ գտանել իրերաց  
 և անիծանել զմիմեանս. և ասել  
 ցճնողսն թէ ընդէր երկնեցէք և  
 ծնայք զիս : Եւ կամ միոյ հովուի  
 հօտ՝ բաժանիլ յերկուս և յառ-  
 նել 'ի վերայ միմեանց, և խաժա-  
 տել զիրեարս, և կոչել միոյն զմիւսն  
 գայլս և յափշտակողս. մկրտիլ  
 յայլ Գրիստոս, հակառակ միմեանց  
 և օտարք համարել 'ի հաղորդու-  
 թենէ. որով ճանաչի ժամանակս  
 այս երկրորդ կռապաշտութիւն :

Արդ եթէ առաջին հայր սուրբ  
 կոչելի է մեզ զմերն սուրբ լուսա-  
 ւորիչ և խոստովանող քահանայա-  
 պետն Գրիգորիոս, պարտիմք ըզ-

113  
 113

մտաւ ամէլ եթէ նա վճարեցաւ  
 այսու օրինօք, [Թէ ոչ. արժանաւոր  
 անձն սրբութեամբ և ճգնութեամբ  
 գտանի յաղգս երկրածնաց] իբրև  
 գնա, [Թէ ոչ: Միթէ բաւական  
 համարեցաւ զայս անձին իւրում  
 կամ զերկսն կամ զչարչարանսն  
 բազմապատիկք, կամ զբանտարդե-  
 լութիւն բազմօրեայ ՚ի խոր վիրա-  
 պին և ՚ի մէջ թունաւորացն, կամ  
 զհրեշտակին սրբոյ բնակցութիւնն,  
 կամ զբազմապատիկ շնորհսն պար-  
 դևեալ նմա ՚ի վերայ տանս հայոց:  
 Միթէ ամբարտաւանեաց այսու ամենայնիւ,  
 և կամ բաւական հա-  
 մարեցաւ անձին իւրում զայս ՚ի  
 պատիւ աստիճանի, և կամ [Թէ  
 ոչ խոնարհ սրտիւ և աներկբայ մտօք  
 էառ յանձն գնալ ՚ի Վեսարիա, և  
 դարձեալ ՚ի Հռոմ, և առնուլ ձեռ-  
 նագրութիւն ՚ի սրբոյն Սեղբեսարո-  
 սէ. և կամ [Թէ իւրքն ամենայն ոչ  
 կացին ՚ի նոյն միաբանութեան սէր:  
 Եւ ոչ չողաւ Արիստակէս ՚ի սուրբ  
 Ժողովն Նիկիոյ. և կամ [Թէ մեր  
 սուրբն Ներսէս ոչ վարեցաւ այսու

օրինակաւ, և ոչ գտաւ առ մեծիւն  
 Թէոդոսիւ 'ի Կոստանդինուպօլիս  
 'ի վանուսն հոգեմարտին Մակե-  
 դոնի հաղորդ սոցա և համախոր-  
 հուրդ: Եւ կամ մերն Սահակ  
 սուրբ հայրապետ ոչ եղև գրով  
 ձեռնն իւրոյ հաղորդ սուրբ Ժողո-  
 վոյն Եփեսոսի, և կամ Թէ խոտան  
 համարեցաւ զսոսա և մինչև 'ի Ժո-  
 ղովն՝ որ 'ի Քաղկեդոն եղև առ  
 Մարկիանոսիւ և Վաղէնափանոսիւ:  
 Արդ քննելի է, եթէ ո՞րք 'ի մերոց  
 սրբոց հարցն հանգիսեցաւ անդ,  
 և կամ յուսմէ՞ արդեօք տեղեկա-  
 ցաք զնոցայն աղանդ, և զմերս ճշմար-  
 տուծիւն. և կամ որով լեզուաւ  
 ուսոյց, և ետ մեզ զՌէոսկորոս  
 սուրբ, և զՏիմոթէոս կուզն, և  
 Պետրոս գայն: Մի՞թէ անեցնիք էին  
 սոքա և ձորոյգետացնիք, կամ վա-  
 ղարշապատեցնիք և գրչնեցնիք, կամ  
 հայտաբանիք լեզուաւ և ազգաւ:  
 Ինդրեմիք եթէ զիարդ այնչափ կա-  
 պեցաք 'ի բանս սոցա և վասն որոյ  
 իրիք ուղղուծեան աղաչեմ զձեզ՝  
 եթէ 'ի մէնջ զանխլացաւ, խեղա-  
 մուտ առնել զմեզ սիրով:

Գարձեալ թէ այսոքիք վերոյ-  
գրեալ սուրբ հարքս այսպէս՝ և որք  
զհետ սոցա, խնդրելի է եթէ յեա  
այսորիկ ո՞վ որ ՚ի հարցն սրբոց  
յայտոսիկ գրգուեցաւ: Եթէ զՅով  
հաննէս ասեմք զինաստասերն՝ որ  
և աթոռակալ սրբոց աթոռոյս, և  
նա այսոցիկ հեանեցաւ շաւղաց և  
ուղղափառութեան. և մերն այլ  
սուրբ նախնիք զնորայն ընկալան  
խոստովանութիւն, և ձեռնադրե-  
ցին անխախտելի մնալ գիրս, Գրի  
գոր վկայասէր և Բարսեղ հեանող  
նորին, և միւս Գրիգորիս և Ներսէս  
մերս հարք, և է յարկեղս գրոց մե-  
րոց ընկալեալ ՚ի նոցանէ: Ի մի ե-  
րես և ՚ի մի բան զազգ մի ողջոյն  
անմարթ է գատել:

Եւ մէք յայն սակս խնդիր արա-  
րաք ձերոց իմաստախոհ անձանց,  
զի ՚ի միասին նստեալ, և բերան առ  
բերան խօսեցեալ, լուծցուք զխրն  
գիրս սոցա. կամ շահեցուք և  
կամ շահեցուցուք զեղբարս, և  
կամ զթնամիս՝ թէ ասելի է: Այլ  
՚ի բանս նոցա ոչ կատեցաք փառա-

սէր և անձնիշխան կամօք որպէս  
 կարծեցիք . ապա զոր առժամայն  
 պարտ վարկաք, գրեցաք նոցա սա-  
 կաւուք՝ զոր 'ի մերոյն ընկալաք և  
 դատաւ առ մեզ . և զայն առ 'ի ձէնջ  
 ընկալաք համարձակութիւն զհետ  
 մերոյն Ստեփանոսի գրով և բա-  
 նիս հաւանել մերովն : Այսն որոյ  
 վերջին գրեալքս կարծիս ետուն  
 մեզ եթէ 'ի պատրանս գրեցան ա-  
 ռաջնիքն, և ոչ 'ի բոլոր սրտէ . և  
 վասն այսորիկ հարկ եղև մեզ յայտ-  
 նել ձեզ 'ի ձեռն գրոյ և զայժմու  
 գրեալքս, և ոչ առտքեալ . զի թե-  
 րևս լուծցէ զկարծիս մտաց ձերոց,  
 և զմերս հաստատեցէ ճշմարիտ  
 հայութիւն, և զհամաձայնութիւն  
 ձեզ :

Այլ զի գրեցէքն՝ եթէ յերե-  
 կոյացեալն եմք ժամու, թողումք  
 գնալ առ իւրաքանչիւր դատաւոր .  
 և այս բան ոչ թուեցաւ մեզ իբրև  
 կատարելոց մտաց ասացեալ : Ե-  
 րեկոյացեալ ժամ առ Աստուած  
 և առ արարածս գնել, և դադա-  
 րումն առնուլ յաստուածաշունչ

գրոց քննութենէ, և որ ՚ի նոսա բա-  
 րեացն են մասունք, և լուծումն  
 առնել սիրոյ և խաղաղութեան, և  
 այլևայլ դատաւորս կոչել իւ-  
 րաքանչիւր, կարծեմ եթէ տէրու-  
 նեան առակաւոր բան յանդիմանէ  
 զձեզ առ այս, որ առ մշակս այ-  
 գւոյն, և վարձատուութիւն առա-  
 տապարգև տուողին, որ հաւասա-  
 րապարգև առին առաւօտեանքն  
 և հասարակօրեայքն և երեկոյինքն:  
 Ձի եթէ զձերդ կոչէք ժամանակ  
 երեկոյ յաղագս ծերութեան և հա-  
 սարակելոյ զաւուրսդ, նա կատա-  
 րեալ մտաց յոյս ոչ այսպէս յեր-  
 կարաձգէ զոկար բնութիւն. զի այս  
 մինչև ՚ի նմին փոփոխումն օդոյ է  
 համարելի: Ապա պարտի ծերոյն լի-  
 նել ծերութեանն ՚ի ձէթ պարաբ-  
 տութեան ըստ Դաւթայ և Սողո-  
 մոնի, և գլխաւորին առաքելոց,  
 զգաստութեամբ և պարկեշտու-  
 թեամբ լուսատու լինել բազմաց.  
 և մի լսել եթէ Նաւ է մանուկ իմաս-  
 տուն՝ քան զԾեր անմիտ: Իսկ եթէ  
 զթիւ աւուրց կատարածի աշխար-

Հիս ասացէք երեկոյ, անմարթ է  
 յայս նախաձեռնել. զի զոր ոչ  
 հրեշտակք երկնից իմացան և ոչ  
 Ռոգի, ՚ի մարդկանէ անհետազօտելի  
 է Իսկ եթէ զաւուրցս չարութիւն  
 կոչէք երեկոյ և զտէրութիւն բռնա-  
 կալաց, անտեղի է և այս. զի ամե-  
 նայն սրբոց և բարեպաշտից անձնիք  
 դառնագոյն ժամանակօք փորձե-  
 ցան և մաքրեցան որպէս զոսկի  
 հրով, և արդարացան: Եւ այս առ  
 հովքն և նորովքս. որպէս մար-  
 դարէն Եսայի, զի երբեմն աղօթէր  
 ասելով. Ի գիշերաց կանխէ հոգի  
 իմ առաւօտ առնել առ քեզ Աս-  
 տուած, զի լոյս են հրամանք քո,  
 և չեք ՚ի նմա երեկոյ, և ոչ խա-  
 ւար: Նոյնպէս և Բաւիթ ասէ յաղօ-  
 թեղն. Ես առ Աստուած կարգացի  
 ընդ երեկոյս, ՚ի վաղորդեան, և  
 ՚ի հասարակ աւուր: Եւ գար-  
 ձեալ թէ Ի խորոց կարգացի առ  
 քեզ: Նոյնպէս և այլք ՚ի սրբոց մար-  
 դարէիցն Ածբակում, Երեմիա, և  
 Բանիէլ. ոմն ՚ի գբոյ առ իւժուցն,  
 և այլ ոմն ՚ի գբոյ կառանապն աղօ-

Թէին արտասուօք և յոգևոց հա-  
 նէին վասն խաղաղութեան ժողովը  
 դեանս, և թէ Մինչև յերբ տէր ան-  
 տես առնես և ոչ ըսես ինձ. և թէ  
 Արովայն իմ ցաւի, և զգայարանք  
 իմ ճմլին. և թէ Ա՛տայր գլխոյ ի-  
 մոյ ջուր, և աչաց իմոց աղբէրս  
 արտասուաց, ըստ զբեկումն ժողովը  
 դեան իմոյ: Վարժեմ թէ ան այս  
 ազէս տարակուսի՝ զնեղութիւնս  
 անձանց իւրեանց ոչ ինչ համա-  
 բէին: Պարտիմք ձայնակից լինել և  
 երից մանկանցն, և ՚ի բոցոյ տապոյս  
 աղաղակել առ տէր և ասել, և թէ  
 Օրհնեալ ես տէր Աստուած, զի  
 արգարութեամբ և յիրաւի ամեր  
 ՚ի վերայ մեր զայս ամենայն. զի  
 մեղաք, անօրինեցաք և աստուամբ  
 եղաք ՚ի քէն. և առաւել մեղաք, և  
 յամօթ և նախատիմք եղաք ամենայն  
 ծառայից բոց: Խնդրել իշխան մար-  
 գարէ մեզ և առաջնորդ. նուիրել  
 զազօթս սրբոց ՚ի բուրվառս ինկոց  
 անուշից, և տալ զանձն ողջակէզ  
 ընդունելի Աստուծոյ:

Եւ ՚ի նորոց չունիմք պէտս յեր-



կարելոյ . զի որ 'ի տեառնէն են  
 բանք՝ ոչ զանխլանայ առ 'ի ձէնջ,  
 թէ որպէս պարտ է լինել հով  
 ուայ և սարսաւորայ բանին: Հովիւ  
 քաջ, ասէ, զանձն իւր դնէ 'ի վերայ  
 ոչխարայ . և իմաստուն անտես 'ի  
 ժամու տայ զկերակուրն: Եւ ան  
 միան լսէ՝ թէ ծառայ չար և վատ,  
 պարտ է իր արկանել զարծաթն 'ի  
 սեղանաւորս, լինել լոյս և աղ և  
 ճրագ 'ի վերայ բարձր աշտարակի,  
 և ոչ ընդ գրուանաւ: Գրէ և սուրբ,  
 առաքեալն Պաւղոս 'ի զգուշութի  
 մեզ, թէ Ուստի եղբարք սուրբք  
 երկնաւոր կոչմանն ժառանգորդք,  
 նայեցարուք ընդ առաքեալն և ընդ  
 քահանայապետ խոստովանութե  
 մերոյ ընդ Յիսուս Քրիստոս, որ  
 հաւատարիմ է արարչին իւրոյ:  
 Հարցանեմ աստանոր թէ որ բնու  
 թեան է արարիչ Աստուած, որ  
 հաւատարիմ է որպէս Մովսէս ամէ  
 նայն տան նորա: Գարձեալ թէ ու  
 նիմք քահանայապետ անցեալ ընդ  
 երկինս զՅիսուս զՊր. զն Աստուծոյ .  
 և այնպիսի ունիմք քահանայապետ՝

որնատաւ ընդ աշմէ մեծութեան 'ի  
բարձունս, սրբութեանցն պաշտօ-  
նեայ և խորանին ճշմարտութեան,  
զոր Աստուած հաստատեաց, և ոչ  
մարդ: Չի ամենայն քահանայապետ  
վասն մատուցանելոյ զոհս և զպա-  
տարագս կայ. ուստի և հարկ է  
նմա ունել ինչ զոր մատուցանիցէ:  
Գրէ դարձեալ և առ Տխմնթէոս, թէ  
Որպէս սղաչեցի զքեզ մինչ երթայ-  
լին 'ի Մակեդոնիա, զի պատուէր  
տացես ոմանց չլինել օտարուս  
մունս և տոհմաթիւս անչափս. զի  
գլուխ պատուիրանին սէր է 'ի  
սուրբ սրահ և 'ի մտաց բարեաց և  
յանկեղծաւոր հաւատոց: Եւ այլ՝  
թէ Ոչ ոք զինուորեալ ընդ կեանս  
աշխարհիս պատաղի՝ է թէ զօրավա-  
րին հաճոյ լինիցի: Եւ թէ մարտիկ  
ոք կոչեսցի, ոչ պտակի, է թէ ոչ ըստ  
օրինին մարտիցէ. սինդէ հեղնելովն  
է թէ իմացիք զոր ասեմս: Գրէ հա-  
մասիւս և Պետրոս գլխաւորն  
առաքելոյ՝ թէ Չերկցունս աղա-  
չեմ իբրև զբիցակից և վկայ չար-  
չարանացն Քրիստոսի, աբաժեալ

զհաւատացեալ 'ի մեզ զհօտն Աստուծոյ, վերակացու լինել բարւոք օրինակօք և անձնիշխան տէրու թեամբ ձգել 'ի մեզ իբրև առատանօք բազմադիմի աստիւք մեր, զի երևումն իցէ հովուապետին, և փոխարէնս եմք ընդունելոց բարւոյն և չարին :

Ունիմք 'ի մեզ և զբանս սրբոյն Բարաղի, և հարցմանն պատասխանի լուեալ թէ որպէս պարտ է լինել առաջնորդաց և մատուակաց բանին : Եւ զինչ ասացից, զի յանբաւս և յանհունս հասանեն այսց բանից ձգմունք, և որք նմանք սոցա : Եւ մեր զայս ամենայն պիտելով անգիտանամք զանձինս՝ երեկոյ կոչելով զժամանակս, և 'ի հարցն աւանդապահութիւն վստահանալով : Եւ զայս ոչ ածեմք զմտաւ, թէ կարող է Աստուած 'ի քարանցս յայսցանէ յարուցանել որդիս Աբրահամու, և թէ հատանելոց է տապաւրաւ ազգօղ բանին զամենայն ծառօր ոչ առնէ պառզ բարւոք, և հաճոյ անկողին : Զորս աղաչեմք

մերովք սուրբ ժողովովքս՝ զարթ  
 նուլ որպէս 'ի քնոյ 'ի թմբու  
 թենէ ծուլութեանդ և յանյուսու  
 թենէդ: Իշխանք էք և հաղարա  
 պեաք խորոցն Աստուծոյ, և այժմ  
 ինդիր է 'ի մէջ հաղարապետացդ՝  
 եթէ որ հաւատարիմ գտցի: Աչք  
 էք՝ գլխոյս լուսատու, և ձեռք մարմ  
 նոյս կերակրիչք, բան և ձայն լեզուի  
 շարժողիս: Արագ այսր պարտիք  
 ժամանեւ, զի թերեւ թիւրեալ է  
 ցէ գլխոյս 'ի լուսոյ պահասեալ, և  
 կամ տկարացեալ իցէ մարմինս յոչ  
 ունելոյն կերակրիչ և դարմանիչ  
 ձեռս, և կամ դատարկանալ լեզուիս  
 շարժումն՝ առանց ձայնի և ան  
 բան մնացեալ: Գրեալ են անուանք  
 ձեր 'ի գիրս գիանաւիանաց՝ ասողաց  
 և յանդիմանողաց. պարտիք զգիրն  
 գործով արդարացուցանել: Սիւնք  
 էք աստուածային տաճարին շինե  
 լոյ արեամբ Արդւոյ նորա. գիտելի  
 է, զի 'ի բացեայ լինելով սեանցն՝  
 քակտի տաճարն: Մշակք էք աս  
 տուածային այգւոյն. արդ փու  
 թապէս այսր հասէք, եթէ յօտե

լոյ է կարեցէք, եթէ սրբէ լոյ՝ մաք-  
 րեցէք . զվաստական մի համարիք  
 յաշխատանս անձանց, զի քաղցրա-  
 համ բաժակ բերցէ ճարտարասե-  
 րին, և մի քացախուա : Եզինք  
 էք աստուածային անդոյս . աշխա-  
 տասէր մաօք և հնազանդ սրախ  
 պարտիք վաստակել, զի բերցէ հաց  
 սուրբ և կենդանական : Ամօլք էք  
 պատուական սայլիս, որ դատար-  
 կացեալ մնայ 'ի շրջեցուցանելոյ  
 զկտակարանս Աստուծոյ . արագ  
 այսր ժամանեցէք, զի յառաջ ե-  
 լեալ հանգիցէ 'ի տունս Աբիաթա-  
 րայ 'ի բլուրս հաճելիս Աստուծոյ :

Չայնէ առաքեալն Պաւղոս, թէ  
 Չայս զխոտաջիք վասն ժամանակիս,  
 զի ժամ իսկ է 'ի քնոյ զարթնուլ .  
 զի այժմ մերձ է մեզ փրկութիւն,  
 քան յորժամ հաւատացարք : Այաւ  
 երկիր ամենայն զխոտութեամբաւեա-  
 ւըն իբրև զբազում շուրս որ ծած-  
 կեն զձով . և գիշեր ագխոտութեանն  
 մերժեցաւ և էանց . պարտիսք շրջել  
 զգաստս և արթունս, և զգենուլ  
 զզկնն լուսոյ : Չի շէն և պայծառ

են եկեղեցիք տեառն , որ ըստ օրէ  
առնեն և ճոխանան 'ի Քրիստոս . և  
ազխուածիւն հեռի է յամենայն  
ազգաց քրիստոնէից . և վաղ ուրեմն  
տեսին զլոյս մեծ գխուածեան Ժո  
ղովուրդն որ նստէին 'ի խաւարի և  
'ի սառերս մահու . և ամենայն որ  
ծարաւի է խաղաղութեան և սիրոյ  
աստուածայնոց , Ֆռանկք , Յոյնք ,  
Սուրիացիք , Նեստորականք և Նամայ  
էլացիք որ և Հալիլիք : Յարաժամ  
գիր և բաննոցա ոչ դադարէ առ 'ի  
մէնջ վասն խնդրոյ մեր , և բազումք  
կան յարկեղս գրոց մեր :

Բայց մեր է անկարուծիւնն առ  
բարի գործս յայս , զի հատ մանան  
խոյ անգործ մնայ 'ի մեզ . ոչ եռա  
ցուցանէ զսիրտս ջերմութեամբ , և  
ոչ տայ հեղուլ զսիրոյն արուօսը  
յաչաց : Մանաւանդ ասելի է , թէ  
և ինքն իսկ ոչ գտանի 'ի միջի մե  
րում . ապա թէ ոչ , զլեռնացեալ  
անհաւատութիւնն փոփոխէաք և  
հարթէաք , զցաւալից թմենին իսկ  
աք և 'ի ծով ընկենուաք . որչափ  
և նուազ թուիմք յաչս՝ բուսանէաք

յաստուածային պարտէզն և լինէ  
 աք ծառ մեծ, մինչ դալ վայրենի  
 թռչնոց և հանգչել յոստս մեր:  
 Ստացեալ եմք զանգաւակութիւն  
 կամօք և յօժարութեամբ, և ան-  
 կեալ կամք կենդանւոյն մեռեալ:  
 Կէս ննջեմք, կէս յորանջեմք, և ա-  
 սեմք յանձինս մեր թէ ընդ երեկս  
 է. և ոչ լսեմք Պաւղոսի ձայնին,  
 որ ասէ թէ Ահա ժամանակ ընդու-  
 նելի, ահա օր փրկութեան. մի և  
 մի իւրք տայցէք պատճառս, զի մի  
 արատեսցի պաշտօնն: Այլ զի ըն-  
 ծայեցայք ՚ի պաշտօնն Աստուծոյ,  
 պարտիք ընդդէմ կալ ամենայն յօ-  
 ժարութեամբ, և ոչ ՚ի հարկէ:

Յամենայն Հայոց ազգաց եկե-  
 ղեցիքս որ յայդ կողմանքդ են, մա-  
 նաւանդ թէ ՚ի բոլոր սեռս, խաղա-  
 դութիւն, անդորրութիւն ձեզ է  
 պարգևեալ ՚ի վերուստ: Թագաւոր  
 քրիստոսասէր, և իշխանք բարե-  
 պաշտօնք, պարգևք դաւառաց և  
 անդոց հոգևոր և մարմնաւոր հան-  
 դերձ ազատութեամբ. և դուք կա-  
 մաւ անդխտանայք և անտես առնէք

դբեկուսն աղգիս, և ստայօդ պատ-  
 ճառօք հրաժարէք ՚ի գլխոյս կոչմա-  
 նէ և ասէք՝ Թէ գիշեր է և ոչ ախ-  
 ակար եմք մարմնով և ծերք ժամա-  
 նակաւ, և վերնագիր նաճակի ձե-  
 րոյ ընթերցցի առ ՚ի մէնջ, Եթէ ՚ի  
 մայրաքաղաք և ՚ի նշանաւոր ուխ-  
 տիս Հաղբասայ: Մայրաքաղաքա-  
 ցին Պաւղոս զայս ոչ ասաց, այլ  
 Թէպէտ և յերուսաղեմէ մինչև ՚ի  
 Ղիւրիկիս ելից զաւետարանն Աս-  
 աուծոյ, բայց յետոյ սրով գլխա-  
 տեցաւ, և ասաց Թէ ծառայ ան-  
 պիտան եմ: Պետրոս Թէ ուրացաւ  
 ապաշխարեաց, և Թէ փախեալ  
 դարձեալ խաչեցաւ: Փիլիպպոս  
 Թէ անիծեաց և խորոց մատնեաց,  
 անձամբն ելից զպարտան, և անա-  
 բասին արեան կարօտացաւ: Ասր  
 դապեա և տեսուչ՝ գործոյն է ա-  
 նուսն և ոչ մարմնոյն, երբ դուք  
 հրաժարէք, յառաջ զո՞վ կոչեմք,  
 զայրարատեանդ Եթէ զկարնեցիք,  
 Եթէ զտարօնեցիքն որ նեղեալ և  
 զղուեալ են ՚ի հարկապահանջ բրու-  
 նակալացն, և կարօտին միայն ա-  
 ւուրն սրարենի:



Հրաւեր կոչման մերոյ այսու ա-  
 դագաւ ծանուցի ձեզ, զի 'ի միա-  
 սին եկեալ խորհեցուք զարժանն  
 ամենայն 'ի պէտս լուծեան եկե-  
 ղեցոյ ներքոյ և արտաքոյ, յան-  
 ձինս և յօտարս լեզուաւ: Յառաջ  
 կոչեն զմեզ Յոյնք մի անդամ և եր-  
 կիցս, արդ ոչ է պարտ արիաբար  
 ընդդէմ կալ նոցա, կամ հաւանել,  
 կամ հաւանեցուցանել: Եթէ եր-  
 կու բնութիւնս ասեն չարաչար, ըմ-  
 բերանեցուք և յանդիմանեցուք.  
 Եթէ դարձցին՝ ընկալցուք և շահե-  
 ցուք զեղբարան: Եթէ լուծան 'ի  
 պէտս պաշտօնի գործս մարմնոյ,  
 լիցուք պատճառս զղջման նոցա:  
 Եթէ ներքինեօք և ներքինապետօք  
 վարին, խրատեցուք զաղտեղի  
 գործս նոցա, թերևս զկծեցին  
 սրտիւք և հայեացին յանձինս: Թէ  
 և ոչ այլ ինչ՝ գոնեայ զմերս լաւու-  
 թիւն և առողջութիւն ծանուցուք  
 նոցա: Գոն և յոլովք ընդ իշխա-  
 նութեամբ նոցա՝ ի մերայինս ազգէ  
 քրիստոնեայք, և էին 'ի մեծի տա-  
 ըակուսանս, յայս հարցափորձու-

Թիւն և աղմուկ. և Թէ և փոքր ինչ  
 Թեթևացաւ այժմ, բայց կատա-  
 րեալն ոչ է բարձեալ: Թէ և նոցա  
 օգնեմք, չգտանիմք անբաժին ինչ  
 'ի ճշմարիտ վարձատուէն Քրիստո-  
 սէ, որում փառք, իշխանուԹիւն և  
 սրբաբաշխ այժմ և միշտ և յաւիտեա-  
 նքս յաւիտենից. Ամէն:



